



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:


Share — copy and redistribute the material in any medium or format

Adapt — remix, transform, and build upon the material

1

S-77

Y-5 w 5



ՏԱՏԵՍՈՒԹԻՒՆ

ՄԱՐԴԿԱՑԻՆ ԿԵՆԱՅ

1990000000

1990000000

1990000000

1990000000

ՏՆՏԵՍՈՒԹԻՒՆ

25.

ՄԱՐԴԿԱՅԻՆ ԿԵՆԱՅ

Այս.

ԹԱՐԳՄԱՆԵԱԼ,

Ի ՃԵՆԱՅ ԼԵԶՈՒԻ ՅԱՆԳՎԻԱՅԻ

ԵՒ ՓՈԽԵԱԼ, Ի ՀԱՅ



Ի ՎԵՆԱՑԵԿ

Ի ՎԱՆՍ ՄՐԲՈՅՆ ԴԱԶԱՐՈՒԻ

1865 — ԱՅՃԴ

9310



372-62



785
40

Printed in Turkey

ԶԵԿՈՒՅՈՒՄՆ

Զիմաստայեղք մատենիկս՝ զոր
նախ Մարգար Շահըմաննեան
ծանօթացոյց աղջիս թարգմա-
նութեամբ և տպագրութեամբ ,
յետ իբր վաթսուն ամաց վերըս
տին թարգմաննեալ 'ի նոյն յանդ-
ղիականէն՝ Գէորգոյ Աւետի Զա-
քարեան Հուղայեցւոյ բնակելոյ
'ի Պաթաւիս ովկիական կղզեաց ,
և 'ի ձեռն մեր յերիւրեալ փոքր
'ի շատէ , իւրովք ծախուք ետ 'ի
ըստ ընծայել , յամի 1845 : Իսկ
այժմ 'ի սովառել առաջնոյն՝ կտ-

մեցեալ մեր վԵրստին հրատարա-
կել, մուծաք զսա՝ ի նոր և յան-
կագոյն ձեւ փոքրատար, սուզ
ինչ ևս քերելով զառաջին շա-
րագրածն, և 'ի մի բովանդակե-
լով զՊրակն Գ՞որ յԵրկուս տրո-
հեալ էր :

ՊԱՏՃԵՆ ԹՂԹՈՅ

ԱՆԳԼԻԱՑԻՈՅ ԹԱՐԳՄԱՆՉԻՆ
ԱՌ ԿՈՄՍՆ * *

Ի ՓԵԲԻՆ , Ճ 12 մայիսի , 1749

Ի վերջնում թղթիս՝ զոր
շնորհս գտի ուղղել առ տէ-
րութիւնդ՝ ի 23 դեկտեմբե-
րի 1748 ամին , զլխաւորեալ
ըստ իմոյ ձեռին բաւականի
զնկարագիր աշխարհիս և
զխոյդ և խնդիր բնապատում
տեղեկութեանց , կամք էին
ինձ այնուհետեւ թղթովս
և որ զհետ սորին՝ կարգել
քեզ և ծանօթութիւնս զօ-

րինաց , զքաղաքական կարգաց , զկրօնից և զքարուց աղգիս Ճենաց . այլ ահա դէսլք ինչ տնակնկալք 'ի վեր երևեալ յաւուրս յայսոսիկ , և զիմաստնոց արանց զուշ և զխելամտութիւն յայն զքաւեալ քանզի և բազում քննութեանց և զըռուցաց պատճառս տալոց է իրդ ուսումնասիրացն , ոչ ինչ ընդհատ սիրելի ախորժակաց և քում տերութեանդ գիտելով իմ զայն , փոյթ յանձին կալայ զըռուցել քեզ զայսմանէ :

Առերի աշխարհիս Ճենաց յարեւմտից կողմանէ կայ Թիպէթ երկիր մեծատարած , զոր ումանք Պարանթոլ կոչեն . և 'ի նմանէ Լահսա դաւառ , յորում քնակի Լամայն կամ քրմաղետն զիցա-

պլաշտից կողմանցս , որում
 աստուածական իմն պլատիւ
 և շուք ընծայեն . և բաղում
 մարդիկ 'ի շրջակայ ազգացն
 լուեալ զմեծէ համբաւոյ ա-
 ռաքինութեան վարուց նո-
 րա՝ յորդորեալ դնան անդր
 առատաձեռն պարզեօք ,
 տալ նուերս և ընդունել օր-
 հնութիւն 'ի նմանէ : Տեղի
 ընակութեան նորա է հոյա-
 կապ տաճար մեհենաձե կա-
 ռուցեալ 'ի գլուխ լերին Պով-
 թալայ . առ ստորոտով լե-
 րինն և 'ի համօրէն դաւա-
 սին Լահսայ ընակեն պլաշ-
 տօնեայք Լամային զանա-
 զանեալք կարգաւ և աշտի-
 ճանաւ . բաղմաց 'ի նոցանէ
 նուիրեալ են մեհեանք , և
 պլատիւ մատուցանի նոցա
 իբրև աստուածարելոց ո-
 մանց : Ե անդանօր բաղմա-

թիւն քրմաց , որպէս երիցանոյն յիտալիա , և զպարէն կենաց նոցա մատակարարեն անսլակաս տուրք ժողովրդեան , որք և 'ի հեռաւոր աշխարհաց առաքեն նոցա պատարագս . որպէս յաշխարհէն թաթարաց և 'ի Մողոլաց մեծաց , և գրեաթէ 'ի համօրէն հնդկաստան գաւառաց :

Լամայն մեծ 'ի պահույորժամ ընդունիցի պաշտօն յիւրոցն , ամբառնայ 'ի սեղան շքեղաշուքզարդուղարդարեալ , և զոտս 'ի ներքոյ առեալ բաղմի 'ի գեղապահոյն դահաւորակի , և երկրուղադուք նորախոնարհական ակնածութեամբ անկանին առաջի նորա . իսկ նա և ոչ երեսս անդամ մատուցանէ նուաստութեան նոցին , և

ոչ խօսից արժանիս համա-
 րի զնոսա , թէսլէտ և տոհ-
 միկ և թագաւորադուն ոք
 իցէ աղաչաւորն .քայց միայն
 ձեռու 'ի վերայ դլխոց նոցա
 եղեալ՝ յայտ իմն այնպէս
 առնէ , եթէ թողեալ եղեն
 նոցա մեղքն իւրեանց : Եւ
 ոչ այսմ ևեթ հաւատան մո-
 լորեալքն , այլ և զծածուկս
 սրտից իւրեանց համարին
 նմա տեսանել . առ որ և ձե-
 ռասուն աշակերտք նորա
 թուով իբր երկերիւր ըն-
 տիրք և պատուականք քան
 դամենայն լամայեցիս , դուն
 դործեն անմահութեան կար-
 ծիս ընծայեցուցանել զնմա-
 նէ առ ժողովուրդն , որպէս
 թէ ըստ կամի փոխիցէ զըլ-
 նակարան մարմնոյն , և յայլ
 փոխիցի մարմին , ընաւ ա-
 մենեին 'ի կենաց ոչ անկա-
 նելով :

Վաղնջուց կարծիք էին առ
 իմաստունս Ճենաց , եթէ 'ի
 մեծի անդ մեհենեացն ամ-
 բարեալ պահեալ կայցեն
 մատեանք հինք 'ի դարուց
 բաղմաց . իսկ այժմու ինք-
 նակալ աշխարհիս հետա-
 քնին հնաւանդ մատենա-
 գրութեանց 'ի վերայհասեալ
 ճշմարտութեան իրացն , ջա-
 նահնար եղեւ զբուամք ածել
 զայնոսիկ . վասն այնորիկ
 խոյզ և խնդիր արարեալ
 առն հնագիտի և լեզուագի-
 տի որ կարիցէ զնախնեացն
 վերծանել տառս , ընտրեաց
 առ գործն կարևոր զմի ոմն
 'ի Յանլիացւոցն կոչեցելոց ,
 որք են գերագոյն վարդա-
 պետք ուսմանց , և անուն
 նորա Քաւածու , այր իբրու
 յիսնամեայ տիօք , պատկա-
 ռելի զնացիւք և աղնիւ կեր-

պարանօք , ճարտար 'ի դիր
 և 'ի բան . որոյ հասեալ էր
 ծանօթանալ ընդ իմաստնոյ
 ումեմն լամայի ընակելոյ 'ի
 Փերին , և ուսեալ 'ի նմա-
 նէ զլեզու կամայեցւոյն թի-
 պեթայ : Ի վերայ ընատուր
 և ջանասէր ձրից հանճարոյն
 յաւելու իմն շնորհս նոր
 կամեցեալ ինքնակալին՝ ա-
 նուանեաց զնա Քոլառյ , որ
 է գերաստիճանպաշտօնեայ .
 և հանդերձեալ զպէտս ու-
 ղեորութեաննարքայակերպ
 ճոխութեամբ , ետ 'ի ձեռս
 նորա և բազում թանկագին
 սպասս 'ի նուէր քրմապե-
 տին մեծի և աւագանւոյ նո-
 րին , գրեալ և թուղթ իւրով
 ձեռամբ , որ ունէր օրի-
 նակ զայս .

ԱՌ ՄԵԾ ԵՐԵՍՓՈԽԱՆՆ ԱՍՏՈՒԾՈՅ

Եռամեծի և գերերջանիկ տեառն
երկրսպագութեամբ հանդերձ
խնդալ.

« ԱԵՐ արքայ ՃԵՆԱԳ և
» ինքնակալ ամենայն ինք-
» նակալացերկրի, հրամայե-
» ցաք վիառաւորելումս առ
» ՚ի մէնջ Քաւածուայ գեր-
» աստիճան պաշտօնէի մա-
» տուցանել զիսոնարհական
» պաշտօնս մեր և զանձինս
» առ ոսոս քումդ սրբու-
» թեան. և խնդրել վասն
» մեր և մերոց մտերմաց
» և ամենայն ինքնակալու-
» թեանս՝ զհովանաւորու-

» թիւն ամենազօր և ամե-
 » նախնամ շնորհաց օրէնու-
 » թեան քոյ :

« Յանկացողք դոլով և
 » տենչասէր ընտիր ընտիր
 » նախնեացն յիշատակարա-
 » նաց, ամբարել 'ի նոցունց
 » դիմաստս հանճարոյ ա-
 » ռաջնոց դարուց, իբրև ի-
 » մացեալ դիտացաք եթէ 'ի
 » թանդարանս անդ նուի-
 » րական նկուղիցն ձերոց
 » ոչ սակաւք յայդալիսեաց
 » վաղնջական վսեմ և պա-
 » տուական մատենից դտա-
 » նին, որ առ բաղմաժամա-
 » նակեայ հնութեան 'ի մո-
 » ռացօնս անկեալ ժողո-
 » վըրդոց, և իմաստնոց ան-
 » դամ արանց յանճանօթս
 » մնան. մերովսանն ջան 'ի
 » կիր արկեալ դի մի բնա-
 » ջինջ անյիշատակ լիցին

» պատուական մատեանքդ,
 » պատշաճ համարեցաք ա
 » ուաքել առ սրբութիւն քո
 » զայրս զայս յոգնահան
 » ճար և մեծապատիւ, զգե
 » ըագոյն պաշտօնատար դը-
 » րանս մերոյ՝ զՔաւածու,
 » որպէս զի եթէ և քում
 » սրբութեանդ հաճոյթուես
 » ցի, հրաման տացես քըն
 » նել զգիրս նախնեացն, և
 » հասու բանիցն լինել վըս
 » տահ գոլով մեր յառնդ
 » բազմահմուտ մակացու
 » թիւն վաղեմի խօսից, զի
 » բաւական է և 'ի թարգ-
 » մանութիւն որոց միան
 » դամ և հանդիպեսցի, թէ
 » պէտ և կարի հնագոյն ինչ
 » մատեան դէտ լիցի դտա-
 » նել » ,

Աստանօր չեն ինձ կամք

աշխատ առնել զքեղ յիշա-
 տակաւ երկարապատում ու
 ղերութեանն, զոր և՝ ի տիպ
 արձանացոյց նոյն այր բազ-
 մապատիկ նորալուր ծանօ-
 թութեամբ, և ինձ թոյլ ետ
 ղնոյն առնել թարգմանու-
 թեամբ 'ի դարձին իմում
 յԱնդղիա: Արդ իբրև եհաս
 նա 'ի նուիրական սահման-
 սըն, փառացի տեսլեամբն
 և ճոխ պարզեօքն յաջողե-
 ցաւ ընդունելութիւն յօժա-
 րակամ գտանել 'ի Լամայէն
 մեծէ, որ և չնորհեաց նմա-
 վանս առանձինն և սպասա-
 ւորս յիւրոց մանկանց, և ի-
 մաստուն զոր զքուրմ օդ-
 նել նմա 'ի զիւտ խնդրե-
 լեացն. և զամիսս վեց մը-
 տեալ խուզեալ նորա զդի-
 ւանս մեհենեացն՝ միսիթա-
 րեցաւ ոչ սակաւ զի եղիտ

մատեանս ընտիրս և վաղե-
միս : Արար նա քաղուածս
ի մատենից անտի՝ զորս յա-
կըն արկ , և հաւանական ծա-
նօթութիւնս զօրինակադրա-
ցըն , քննելով և ստուգե-
լով զժամանակսն յորս ե-
կաց իւրաքանչիւր ոք 'ի նո-
ցանէ . և յայսցանէ ճանաչի
նա ոչ միայն ընթերցասէր
լինել այր , այլ և ճարտա-
րամիտ և շատահանճար :

Հնագոյն 'ի մատենիցն զոր
եղիտ , մինչեւ ցայն վայր ան-
խմանալի և անթարդմանելի
կացեալ առ լամայեցիսն , է
մատեան փոքրիկ զրեալ 'ի
տառ և 'ի բարբառ նախնի
իմաստասիրաց աշխարհին՝
որ թակմանքն կոչէին , և ու-
նի կանոնս բարոյականս .
բայց թէ ո՛ զայն զրեաց , և
կամ յորում ժամանակի՝ ոչ

է յայտ : Չայս մատեան հա-
 մօրէն փոխեաց նա 'ի ձե-
 նաց բարբառ . այլ որսկէս և
 ինքնին խոստովանի , անհա-
 ւասար յոյժ և յետնեալ 'ի
 վսեմական և 'ի հզօր ձեռյ
 խօսից բնագրին : Տարածայն
 են կարծիք բանադատից և
 քրմաց զսմանէ . են որք զար-
 մացեալք մեծապէս ընդ ի-
 մաստութիւնբանիցն , Քոնթ-
 սէի տիեզերահոչակ իմաս-
 տասիրի զայն ընծայեն ,
 և յետ ժամանակաց ասեն
 թարդմանեալ 'ի լեզու թակ-
 մանաց , և բնագրին անհետ
 եղեալ . և են որք Լաւքունի
 այլոյ մեծանուն իմաստասի-
 րի զսա ասեն լինել օրէնս և
 կանոնս , այն որ ժամանա-
 կակից եկաց Քոնթսէի և
 առաջնորդ եղեւ աղանդոյն
 թասսայ . բայց և որքա ոչ

ինչ ընդհատ յառաջնոցն
 տագնապս կրեն վասն լե-
 զուին օտարութեան : Բա-
 զում ևս այնք են, որ զհետ
 երթեալ դեղեցիկ իմաստից
 դրոցն և այլոց նշանաց՝ հա-
 մարին դայն յօրինեալ 'ի
 Տանտամեայ Քրակմանէ, ո-
 րոյ և թուղթն գրեալ առ
 Աղեքսանդր աշխարհակալ
 Յունաց՝ սկատմի 'ի վէպս ա-
 րեմտեայց : Առցին կարծեաց
 միաբան երեխ և ինքն Փա-
 ւածու, և թէ ոչ Տանտա-
 մեայ՝ սակայն այլոյ ուրուք
 քրակմանի գործ վարկանի .
 քանզի և տիպք բանիցն, ա-
 սէ, զիմաստասիրացն այնո-
 ցիկ ունին զոճ, և ոչ թարդ-
 մանութեան երեխին հետք :
 Կալցի դայս որպէս ոք և ա-
 խորժէ . այլ երկբայութիւն է
 առ իմաստունս՝ որպէս կան-

խեցի ասել՝ զգրոց , քանզի աննման է ոճով արևելեան ընթերցուածոց . որպէս զի եթէ չէին 'ի նմա և սեպհական դարձուածք ինչ ասիականք , և հնութիւն լեզուին յորում զրեալն է , բազմաց աներկրայ թուեր եւրոպացի ասել զմատենագիրն :

Այլ ոռք և իցէ օրինակագիր գրոց , հակառակութիւնն մեծ զոր կրէ նա առ բանագէտս , և մեծափափագ եռանդն ընթերցանելեաց նորին 'ի քաղաքի աստ , և միաբերանգովութիւնն , յորդոր եղեն և ինձ ձեռն արկանել և փոխել զայն յանդղիացիքան . մանաւանդ յորժամ զմատաւ ածէի ոչ անախորժ ինչ նուեր լինել զայս քում տէրութեանդ , թէ-

ոլէտ և ոչ սակաւ օտարաց
 ենալ լիցի թարդմանութիւն
 նըս այս 'ի բնագրէն . այն
 զի և ես 'ի ճենականէն փո-
 խեմ զայս . այլ դէպք ինձ
 'ի բարի յաջողեն , զի ոչ ոք
 կարէ ընդ բնագրին զուգա-
 կչիու առնել զթարդմանու-
 թիւնս զայս : Միանգամայն
 ակն ունիմ արդարանալ ա-
 ռաջի դիտակացն վասն շա-
 րագրածոյ թարդմանութեա-
 նըս . քանզի թէպէտ և 'ի
 սկզբանն իբրև ձեռն 'ի զործ
 արկի՝ կամ էր ինձ աղատա-
 բար ըստ վայելչութեան խօ-
 սից լեզուիս մերոյ յերիւրել
 զթարդմանութիւնս , այլ վսե-
 մական իմաստը և աստ-
 ցուածքնախերդանացդ , հը-
 ղօր զօրութիւն բանիցն և
 հակիրճ դարձուածք զրու-
 ցացն՝ հարկ անհրաժեշտ 'ի

վերայ իմ ածին՝ ըստ կարի
հետեւող լինել բնագրին .
առ այս և օրինակ ինձ ու-
նելի զթարդմանութիւնս գը-
րոցն Յովբայ և Սաղմոսաց ,
և զԱռաջնի գրոցն և ըդ-
մարդարէից :

Բայց ես երանելի զանձն
իմ վարկայց եթէ յաջողե-
ցայ զուարճալի յարդարել
զգործս զայս և հայթհայթել
զրոսանս տէրութեան քում:

Տ Ե Տ Ե Ս Ո Ւ Թ Ի Ւ Ն

ՄԱՐԴԿԱՑԻՆ ԿԵՆԱՅ

Ն Ա Խ Ե Ր Գ Ա Ն

Խ ո ն ա ր հ ե ց ու ց է .ք զ գ լ ու խ ս ձ ե ր ,
բ ն ա կ ի չ ք ե ր կ ր ի . ա փ ՚ ի բ ե ր ա ն լ ւ -
ր ու ք , և ը ն կ ա լ ա ր ու ք զ պ ա տ դ ա մ ն
՚ ի վ ե ր ու ս տ ա հ ի ւ և ա կ ն ա ծ ու -
թ ե ա մ բ :

Ը ն դ ա մ ե ն ա յ ն տ ե ղ ի ս ու ր ա ր ե -
դ ա կ ն ծ ա դ ի ց է , ու ր հ ո ղ մ ն շ ն չ ե ց է ,
ու ր մ ի ա ն դ ա մ գ ու ց է ու ն կ ն ա ռ ՚ ի
լ ս ե լ և մ ի տ ք ա ռ ի մ ա ն ա լ , օ ր է ն ի ք
կ ե ն ա ց և բ ա ն ի ք ձ շ մ ա ր տ ու թ ե ա ն ե -
ղ ե ց ի ն ը ն դ ու ն ե լ ի փ ա ռ օ ք և մ ե ծ ա -
ր ա ն օ ք :

Ա մ ե ն ա յ ն ի Տ է ր է ա ղ բ ի ւ ր . ն ո ր ա

Ե կարողութիւն և անքառութիւն . խմաստութիւն մշտնջենաւորակից է նմա , և դժութիւննորա կայ մնայ յաւիտեան և եւ :

Գահոյս արկեալ բազմի 'ի միջի տիեզերաց , և ոգի բերանոյ նորա կենդանացուցանէ զամենայն արարածս :

Որ մերձենայ մատամբ յաստեղս , և ցնծութեամբ ընթանան 'ի շրջանս իւրեանց :

Որ շրջի յընդհանուր 'ի թեսհողմոց , և ակնարկութեան կամաց նորա անսան ծագք երկրի :

Ի ձեռին նորա են կարգք և շնորհք և գեղեցկութիւն ամենայնի . ամենայն գործք նորա պատմեն զիմաստութիւն նորա . և խորհուրդ մարդկան ոչ բաւեաց լինել նոցին խելամուտ :

Իբրև անուրջք անէակք սահին զմաօք մարդոյ ստուերք դիտութեան . և իբրև ընդ խաւար տեսանէ և դատի , և ահա խարեալ է :

Խոկ խմաստութիւն Տեառնպայ-

ծառ է որպես զլոյս երկնից : Տէր
ոչ դատի մտօք, քանզի ինքն աղ-
բիւր է ճշմարտութեան :

Արդարութիւն և գթութիւն
կանառաջիաթուոյնորա•բարու-
թիւն և սէր փայլեն՝ի դէմս նորա :


Ո՞վէ փառաւորեալիբրեզ զՏէր
կամով կարիցէ՝ի պայքար մտա-
նել ընդ հզօրին . և կամով հաւա-
սարիցի խմաստութեան նորա :

Նա ինքն ստեղծ զքեղ, ով
մարդ, հրամանաւ նորին վիճակե-
ցաւ բարդ քո՛ ի վերայ երկրի .
տուրք են բարութեան նորա զօ-
րութիւնք մտաց քոց . և գեղեց-
կայարմար շինուած մարմնոյդ՝
գործ ճարտարութեան ձեռաց
նորա է :

Արդ ունկն դիր ճայնի նորա,
զի քաղցր է և բարերար . և եթէ
միամառութեամբ սլաշտիցէս ըզ-
կամս նորա, անձն քո՛ հանդիցէ՝
ի խաղաղութեան :

ՊՐԱԿ ԱՌԱՋԻՆ

ՊԱՐՏՔ ՄԱՐԴՈՅ ԱՌԱՋԻՆՆ



Ա.

ԽԵԼԱՄՏՈՒԹԻՒՆ

Խորհրդապպած լեռ յանձնն
քում, ով մարդ, քննեա և տես՝
վասն էր ստեղծարդ : Ի միտ առ
զիակ զօրութեան քո, զպէտս
և զսկարտս քո, և ուղղեսցին 'ի
բարութի ամենայն ճանապարհը
քո :

Մինչեւ քաջ կշռեալ զբանս քո
մի խօսեսցիս, և մի գործեսցես
մինչեւ հետազոտեալ զելս գոր-
ծոց քոց . զի զերծ լինիցիս 'ի նա-
խատանց , և մի մոցէ ամօթ-

ընդ յարկաւ քով, և մի անկցին
երեսք քո՝ ի թախիծս սդոյ :

Այլ անփոյթ և անմիտ՝ ոչ ար-
կանէ սանձ լեզուի իւրում. բար-
բանջէ վայրապար, և յանմուռ-
թենէ բանից իւրոց կշտամբեալ
յանդիմանի :

Որսլէս որ երագընթաց վազս
առնուցու զպատճաւ և անկանի-
ցի՝ ի խորխորատ զոր չէր տեսեալ
յառաջագոյն, այսալէս և որ վաղ-
վաղէ միջամուս լինել՝ ի դործ՝
և ոչ խորհիցի զելս նորին :

Արդ ունկն մատո ձայնի խոր-
հրդածութեան. քանզի բանիք նո-
րա բանիք են ձմարտութեան,
և ձմնապարհք նորա առաջնոր-
դեն յաներկեան ստուգութիւն :

Բ

ՉԱՓԱԽՈՐՈՒԹԻՒՆ

Ո՞վ ես դու է՞ մարդ, որ ապա-
վինիս յիմաստութիւն քո . կամ
զի՞ պարծիս ընդ գիտութիւն.քո :

Սկիզբն գիտութեան՝ ճանաչել
դոգիտութիւն անձին . և եթէ
կամիս ազնիւ և պատուական ե-
րևել յաչս այլոց, թող անդք 'ի
բաց զյիմարութիւնդ իմաստուն
երևելոյ անձին քում:

Որպէս զգեստ անպաճոյժ
զարդ է վայելուչ կնոջ գեղեցկի,
և չափաւորութիւն կենաց՝ չքնա-
զադեղ զարդ է խմաստութեան :

Բանք առն համեստի պայծա-
ռագոյն կացուցանեն զՃշմարտու-
թիւն . և խոստովանութիւն երկ-
մտութեան՝ քաւէ զթերութիւն
գիտութեան :

Զէ նա յանձնապաստան 'ի զի-
տութիւն իւր . մոտախորհ լինի 'ի

վերայ խրատուց բարեկամին , և
յանձն ձգէ զօդուտս նոցին :

Գովեստ եթէ լսիցէ , 'ի բաց
գարձուցանէ զունկն իւր , և ոչ
կամի հաւատս ընծայել . և ինքն
յետին է 'ի ճանաչողս ուղղու-
թեանց իւրոց :

Այլ իբրև քօղ զի յաւելու
զնորհս դեղոյ , այսպէս և առա-
քինութիւնք նորա դեղեցիկք ևս
ցուցանին ընդ ստուերաւ պար-
կեշտութեան :

Տես զյանձնապաստանն և զսր-
նապարծ , և 'ի միտառ զչամի ամ-
բարտաւանութեան նորա + պատ-
մուժանս սեթեեթեալս արկանէ
զանձամբ , Ճեմի 'ի հրապարակս ,
և զաչսն յայսկոյս և յայն բաժա-
նեալ շրջըրջէ , ամենեցուն կա-
մի յակն անկանել :

Կոկոզավիղ 'ի վեր տանի զգլուխ
իւր և չտես լինի տնանկին . դուռ
զութեամբ սոնքայ ընդ խոնարհս .
և 'ի վեհից ծաղը և ծանակ լինի ,
և խոչ ընդ ակն ամենեցուն՝ վասն
անմտութեան և մնախառութե-
իւրոյ :

Զիսորհուրդս այլոց մերժէ
արհամարհանօք . վստահէ՝ ի կար-
ծիս մտաց իւրոց , և ամօթով
կորացի :

Ի ցնորս մնութիս իւրոց խոր-
հըրդոց վիքացեալ պարծի . պա-
րապումն և զբօսանիք իւր են զօրն
ողջոյն ճառ արկեալ խօսել զանձ-
նէ :

Ըմալէ որպէս ծարաւի յաղբէ-
րաց շողոմութեան շնթողաց իւ-
րոց , մինչեւ 'ի նոցին իսկ 'ի մար-
դելուզացն խարդաւանեալ լքցի :

Գ

ԳՈՐԾԱՍԻՐՈՒԹԻՒՆ

Վիանդի անդարձականիք են ա-
ւուրքն անցեալք , և հանդեր-
ձեալքն թերես վրիպեսցին 'ի քէն .
արդ հետ արա քեզ , այր դու .
վարել ժամանակաւս որ կայ .
անտրասունջ դոլ ընդ կորուստ

անցելոցն և մի յապագայսն մեծայոյս :

Ի քո ձեռս է վայրիկեանս այս .
իսկ վաղիւն կայ յարդանդի հանդերձելոց , և ոչ դիտես որսկիսի
ինչ ծնանիցի :

Չոր եղիր 'ի մտի գործել
գործեա վաղվաղակի . և զոր կարես վճարել յառաւօտու , մի յապաղես մինչև 'ի մուտս արեգական :

Տառապանք և տուայտանք են
ծնունդք ծուլութեան . իսկ վաստակք առաքինութեամբ հանդերձ ածեն զինդութիւն :

Չեռք գործօնք բառնան զկարօտութիւն . բարօրութիւն և
յաջողութիւն կենաց՝ մասն են
վիճակի առն աշխատասիրի :

Ո՞վ է դա որ լցեալ է մեծութեամբ , և ամբարձեալ 'ի բարձաւագութեան . որ արկանէ զիւրեկ հանդերձ փառաց և շքոյ ,
որոյ հռչակ համբաւոյն ընթանայ ընդ քաղաքս , և որ 'ի խորհրդարանս թագաւորաց՝ առա-

Ծիկայ գտանի : 'Կա է որ արդեւ
զծուլութիւն 'ի մտանելոյ 'ի
տուն իւր . և ցպղերգութիւն ա-
սաց . Ոխերիմ թշնամի իմ ես
դու :

Որ կանխայարոյց լինի ընդ առա-
ւոտս , և ննջէ յանադանի . որ
կըթէ զմիտս իւր խորհրդածու-
թեամբ , և զմարմին իւր երկովք
վաստակոց , և զերկոսին յաղդոչ
պահէ :

Բեռն է անձին այր հեղդ .
սլահք նորա ծանրադանդաղք են
յանցանել . և աստանդական դե-
գերի թէ որպէս ժամավաճառ
լիցի :

Երբե դհովանի ամպոյ սահեալ
վարին աւուրիք նորա , զորոյ իբրե
անցանիցէ՝ ոչ դոյ գտանել ըդ-
հետս կամ զյիշատակ :

Անձն նորա վարակեալ է ախ-
տիւք . կամի իմն գործել , և ձեռք
իւր ոչ շարժին . 'ի խաւարի տդի-
տութեան դանդաչեն միտք նո-
րա , և խորհուրդք նորա շփո-
թեալք են . յօժարափոյթ փա-

մագե թեակոխել յիմաստու-
թիւն , այլ ոչ գիտէ որպէս պա-
րապեսցի . ցանկայ նշոյ ուտել ,
և չկամի աշխատել և զկորձ նո-
րին բեկանել :

Թափուր է տուն նորա յամե-
նայն բարեղարդութենէ . ծա-
ռայք նորա շռայլեն և կագեն , և
ինքն 'ի կորուստ ընթանայ . տե-
սանէ աչօք իւրովք և լսէ ական-
ջօք զվատնումն ընչից իւրոց . ըզ-
գլուխ իւր շարժէ , ըղձակերտ
լինի ուղղել զամենայն բարիոք
կարգաւ , այլ կամք նորա չեն
կամք հաստատունք . մինչեւ վր-
տանդք և կորուստ սպառսպուռ
հասցեն 'ի վերայ նորա իբրև ըդ-
մրրիկ փոթորկեալ , և ապաշա-
ւանօք իջցէ 'ի դժոխս :

¶

ՆԱԽԱՐԱՐՈՒԹԻՒՆ

Եթէ փառաց լոյէ ծարաւի
անձն քոև քաղցր ենյականջս քո
նուագք գովութեան , ամբարձ
զանձն քո 'ի հողոյ այտի յորմէ²
ստեղծեալդ ես և ուղղեա զքեզ
'ի բարձունս՝ առ ինչ մի արժանի
գովութեան :

Կաղնիդ այդ երկնաբերձ սերմն
փոքրիկ էր երբեմն ամիսովեալ
'ի սիրտ երկրի :

Յոր պայման կենաց և վիճա
կեցար՝ միտ գիր առաջին լինել 'ի
նմին , և մի ումեք թողուցուս գեր
'ի վերոյ անցանել զքե 'ի բարե-
բարութեան . մի արկաներ նա-
խանձ ընդ յաջողութիւն այլոց ,
և յօժարագոյն 'ի գործ արկցես
զբնատուր քո ձիրս :

Մի ցանկար նկուն առնել զշա-
կառակորդ քո վատութեամբ .

այլ բարելաւութեամբ ևեթ ջանա գլել զնովլաւ . որպէս զի եթէ և ոչ յաջողեսցի քեզ զանցանել զնովլաւ՝ փառաւորեսցին և գովիեսցին ջանիք քո :

Ճիդն ուղղութեանց վերամբառնայ զհողիմարդոյ յանձին իւրում . անձուկ մեծ է նմա ժառանգել համբաւ բարի , որպէս երիվար յոխորտ որ խնդութքը ընթանայ յորս և յասպարէզ :

Բարձրանայ նա որպէս զարմաւենի դիմակալ բոնութեան հողմոց , և իբրև զարծուի սլացեալ 'ի բարձրութիւնս երկնից ճախրէ , և 'ի պայծառութիւնն արեգական անկնկառոյց լեալ պըշնուռ :

Ի գիշերի յերազանայ և տեսանէ զարս անուանիս յուղղութեան . և 'ի տուէ ցանկալի է նմա ընդ հետս նոցա գնալ :

Երկնէ 'ի մտի խորհուրդս մեծամեծս , և ցնծայ 'ի կատարման նոցին . համբաւնորա ընթանայ 'ի ծագաց մինչեւ 'ի ծագս աշխարհի :

Բայց սիրտ առն նախանձաբեւ
կիլցեալ է լեզով դառնութեան.
լեզու նորա միսեալ է 'ի թոյն.
յաջողութիւնք ընկերին խռովեն
զնա :

Կստի յանկիւնս տան իւրոյ
տրտմեալ և նեղեալ. բարու
թիւնք այլոց՝ չարիք են նմա :

Ոխ և չարակամութիւն բու
նեալ են 'ի սիրտ նորա, և չեք
նմա տեսանել զանդորր խաղա-
ղութիւն :

Խոնարհեցուցանել նկրտի զա-
մենեսին որք բարձրանայցեն քան
զանձն իւր. և զամենայն գործս
նոցա ընդ խոտորնակ միտս տանի.
ատելի եղեալ հալածի 'ի մարդ-
կանե. և որպէս զսարդ յու-
այն իւր վարակեալ կծկի :

Ե

ԽՈՀԱԿԱՆՈՒԹԻՒՆ

Լուր ձայնի զգօնութե՛ . ունկն դիր խրատուց նորա , և գանձեա զնոսա 'ի սրտի քում . զի յօրէնս նորա հաստատեալ է ամենայն . նովաւ կան ամենայն առաքինութիւնը , և նովաւ ուղղին կեանք մարդոյ :

Արկ սանձ լեզուի քում և դիր սպահասլան շրթանց քոց . զի մի խոռվեսցի անձն քո 'ի բանից քոց :

Որ այսնակատակ լինի կաղին , զգոյշ լինիցի գուցէ և ինքն կաղայցէ : Որ վաղվազէ խօսելզթերութեանց այլոց , լուիցէ և զիւրոցն՝ նախատանիօք հանգերձ :

Ի շատխօսութենէ ծնանի առաջաւ . լութիւն աներկեւան կայ :

Ըաղակրատն դառնութիւն է

ակմբից . 'ի շաղփաղփանաց նորա
տաղտկան լսելիք , և 'ի յորդու-
թենէ բանիցն հետախաղաղ ըն-
կըզմին զըռւցարութիւնիք :

Մի գովեր զանձն քո , զի ամօթ-
և ատելութիւն անկանին 'ի վե-
րայ քո . և մի զոք առնիցես
ծաղը , զի մի զանձն քո 'ի վտանգ
արկանիցես :

 Լեզի է բարեկամութեան՝
ծաղը երգիծանաց . և որ ոչ ար-
կանէ դուռն բերանոյ իւրում՝
հանապաղ 'ի տագնապի կացցէ :

Կալ վասն քո զկարեսրն և
զքաջադէսլ քումդ վիճակի , և մի
վատնես որ ինչ և 'ի ձեռն անկա-
նիցի քո . որպէս զի միսիթարեսցիս
'ի ծերութեան քում 'ի վերայ
մթերիցն զոր ամբարեցէր 'ի ման-
կութեան :

Ադահութիւն ծնող է չարեաց ,
իսկ չափաւորութիւն՝ քաջ հո-
դաբարձու և ոստիկան լինի ուղ-
ղութեանց :

Մի լինիր ձեռնամուխ յոր ինչ
ոչ անկանի քեզ . թող պաշտօ-
նէիցն զինամս սկետութեան :

Մի բազում ծախս առներ վասն
զբօսանաց , զի մի առաւել տու-
ժեսցիս 'ի գինսն քանի բերկրես-
ցիս 'ի վայելսն :

Մի աար բարօրութեան փա-
կել զաչս արթնութեան քո , և
մի լիութեան՝ ըզձեռս ժուժկա-
լութեան կարծել : Յղիացելոյն
լիութեամբ բարեաց կենցաղոյս՝
հասցեն ամք յորս ողբասցէ զա-
ղէտս չքաւորութեան :

Մինչչե փորձեալ մի ումեք
հաւատար , և մի առ 'ի կարծ
թերահաւատիցիս յումեքէ . քանի
զի և այդ ոչ է սիրոյ գործ :

Իսկ եթէ 'ի վերայ հասեր բա-
րեպաշտութեան ուրուք , ժողո-
վեա զնա 'ի սիրտ քո իբրև զդանձ
անդին , և եղիցի նա քեզ իբրև
զակն պատուական :

Ի վարձկանէ մի ընդունիր շը-
նորհս , և մի ընկերանար չարին .
զի մի գայթակղութիւն ածցեն
ուղղութեան քոյ , և վիշտ հոգւոյ
քում :

Մի լինիր վաղվաղ 'ի ծախել

ինչ որում յետոյ կարօտ լինիցիս .
և մի՛ դիմագրաւ 'ի վտանգ, յոր
մէ մարթ է զգուշանալ նախա-
տեսութեամբ կամ ելի աղադս
գտանել :

Ուսիր իմաստնանալ 'ի փորձոյ
այլոց, և 'ի վրիպանաց նոցին ուղ-
ղեսցես զսխալանս քո :

Մի՛ և 'ի զգօնութեան քում
ակն ունիցիս անվըէսլ յաջողու-
թեան . քանզի ոչ գիտէ տիւ
զի՞նչ ծնանիցի գիշերն :

Ոչ միշտ տարաբաղդիկ լինի
անմիտն, և ոչ իմաստուն հանա-
պազօր բարեբաղդ . սակայն յի-
մար ոչ վայելս դացէ անթերիս 'ի
կեանս իւր, և ոչ զգօն մինչեւ 'ի
վախճան մնաց ցականեալ :

Զ

ԱՐԻՈՒԹԻՒՆ

Փորձանկք և արկածք , տառապանք և տուայտութիւն , այս բաժին է ամենայն մարդոյ որ գայ յաշխարհ :

Յառաջազոյն պատրաստեազանձն քո արիապէս . որպէս զիկարող լինիցիս անյողդողդ տանել վշտացն՝ որ գալոց են 'ի վերայ քո :

Որպէս ուղու զի համբերութիւն տոկայ տառոյ և սովոյ և ծարաւոյ , և անխոնջ հատանէ անցանէ ընդ անապատս աւաղուտս , այսպէս այր քաջասիրտ անվթար պահէ զառաքինութիւն իւր յամենայն դէպս վտանգաց :

Ազնուական և վեհ հոգւով ծաղը առնէ զչարանենդ հնարիւք բաղդին . ոչ երեկք վշտեալ լքանի մեծանձն ոգի :

Երանութիւն նորա ոչ է 'ի
սպարզես բաղդին ասկաստան . վա-
սըն այնորիկ և ոչ զանգիտէ 'ի
խէթի հայել նորա :

Եթե լեառն վիմեղէն զետե-
ղեալ 'ի ծովու՝ անդրդուելի կայ
'ի կուտել 'ի բաղխել ալեացն :

Եւ որպէս զբերդ ամուր կա-
ռուցեալ 'ի վերայ լերին՝ 'ի վեր
տանի զգլուխ իւր . առ ոտս նորա
անկեալ դնին նետք բաղդին :

Ի տագնապ ժամուն խրախոյս
մատուցանէ նմա արիութի իւր .
և հաստատութիւն մտացն 'ի թի-
կունս հասանէ նմա :

Եթե զնահատակ դիմագրաւ
'ի ճակատամարտ՝ արձանանայ
ընդդէմ արկածից կենաց , և բար-
ձեալ զյաղթութե պսակն դարձ
առնէ :

Անդորրութեամբ հոգւոյ թե-
թեաբեռն առնէ զամենայն ծան-
րութիւն թշուառութեան . և զա-
մենայն ինչ նուածէ երկայնամիտ
ժուժկալութեամբ :

Այլ վատ և հոգի կարձամիտ՝

անձնամասն լինի յամօթ և 'ի
նախատինս ,

Զահի հարեալ յերեսաց անան
կութեան՝ ոչ խղճէ 'ի նուաստու-
թիւն կործանիլ . և մեղմեխ խոր-
հըրդովք ձգէ յանձն իւր զանի-
բաւութիւն :

Որպէս շարժի եղէդն 'ի մեղմոյ
օդոյ , այսպէս տատանեալ դողայ
անձն նորա 'ի ստուերաց անդամ
վշտաց :

Ի հասանել վտանգաց՝ տագ-
նապեալ ձեռնթափ լինի , և յա-
ւուր նեղութեան անկանի 'ի զօ-
րութենէ . յուսահատութեամբ
լքանի անձն նորա լինկճեալ :

Ե

ԲԱԿԱԿԱՆՈՒԹԻՒՆ

Յիշեա , ով մարդ , զի իմաստու-
թիւն բարձրելոյն ետ քեզ 'ի վե-
րայ երկրի զայդ վիճակ , որ Ճանա-
չին զսիրտ քո , և քննիէ զունայ-

նութիւն ըղձից քոյ , և բաղում
այն է զի առ առաւել գլխոյն ա-
պախտ առնէ զհայցուածովք
քովք :

Սակայն բարեխնամ տեսչու-
թեամբն չառնէ անմասն յերջան-
կութենէ զիրաւացի բաղձանս և
զՃիդն անստգիւտ :

Հայեաց և տես ուստի բղխենն
վիշտքն ընդ որ զչարիս , և անյաջո-
ղութիւնք՝ վասն որոց գանգա-
տիս . ոչ ապաքէն 'ի յիմարու-
թենէ , 'ի սնապարծ խորհրդոց ,
'ի վայրասուար ըղձից կամաց :

Եւ արդ մի տրտունջ լինիր
զվերին տեսչութենէն , այլ զսիրտ
քո փութասջիր ուղղել . մի ասի-
ցես , թէ էր ինձ մեծութիւն կամ
իշխանութիւն կամ դէպ ժամա-
նակ՝ բարեբաստիկ լինէի . քանզի
և որ յադուիկին վայելեն՝ չեն զերծ
'ի հոգոց և յանձկութենէ որ ան-
մեկնելի կան յայնցանէ :

Տնանկ ոչ զգայ զծուփ և զան-
դոհ սրտի մեծատան . ոչ գիտէ
զանձկութիւն և զտառապանս

իշխանութեան , չիմանայ զձանձը
ըոյթ պարապոյ 'ի վաստակոց ,
և ոչ զանձն իւր նեղէ և քանիքար-
տայ ընդ պայման կենաց իւրոց :

Մի ընդ ումեք նախանձիր ե-
րանութիւն , զի ոչ դիտես զա-
ղէտս դաղտնեաց սրտի նորա :

Բաւականանալ փոքուն՝ իմաս-
տութիւն մեծ է . իսկ որ յաւե-
լու զգանձս՝ ընդ նմին ժողովէ և
զհողս . սիրտ գոհ՝ գանձ ծած-
կեալ , և անփորձ 'ի վատաց :

Ոչ ինչ օդնեսցեն մթերք ըն-
չից երջանիկ առնել զքեղ , յոր-
ժամ գրգանք և հրապոյրք յա-
ջողակ բաղդի կապտեն 'ի քէն
զարդարութիւն և զինդամտու-
թիւն . զգութ կարեկցութեան և
զպարկեշտութիւն :

Արդ զայս դիտելով ծանիր զի
անխառն և անապակ երանու-
թեան բաժակ՝ ոչ է արբումն
մարդոյ մահացուի :

Քանզի յասարիզի առաքի-
նութեց կարգեաց զմարդաեսչու-
թիւնն վերին , զերջանկութիւն

նակառակ դիտման ընթացիցն կար գեալ, ոչ է ումեք տուեալ ժամանել առ այն՝ մինչև զընթաց սըն կատարեալ, և ապա առցէ զյաղթութեանն սկսակ 'ի յաւետենից կայանան :

Ը

ԺՈՒԺԿԱՆԱՅԻԹԻՒՆ

Առողջութիւն, խմառոռութիւն և անդորրութիւն ոգւոյ, պարզեք երկնաւորք, այսոքիկ են որ մօտագոյնս առ երանութիւն կացուցանեն զմարդ 'ի կենցազումն :

Եթէ զայդոսիկ ստացար և կամիցիս պահելքեղ մինչև յալեոյթըս ծերութեան, 'ի բաց արա 'ի քէն զհրասկոյրս հեշտութեան, և 'ի սադրանաց նորա փախիր :

Եւ յորժամ զփափկութիւնն զդրդանս իւր սփուիցէ նա 'ի լիութե սեղանոյ, յորժամ զինի նորա

փրփրացեալ՝ ի բաժակի սլովջակո
’ի վեր արձակիցէ, յորժամքաղցը
դիմօք և զուարթագին աչօք հայից
ցի՝ ի քեզ և յորդոր մատուցանիցէ
խնդամիտ սրտիւ վայելել՝ ի բա-
րեկենդանութեան . ահա հա-
սեալ է քեզ փորձութե ժամ.
վասն որոյ զգոյշ կաց և մի տար
դրդուել զգաստութեան քում
’ի սլահպանութենէ :

Քանդի ցանկալի ցանկալի հե-
շտութիւնքն զոր խոստանայ քեզ՝
փոխեսցին յախտս մոլեկանս .
վայելք նորա երագեն ՚ի սխտ-
լանս ալէսոլէս և ’ի վախճան կե-
նաց ընթանան հանսապազ :

Հայեաց շուրջ զքե և տես զբազ-
մականս կոչնոց նորա . և ’ի դի-
մացն բերկրեցելոց ծանիցես զոր-
սացեալն առ ՚ի նմանէ ստապա-
տիր թելադրութեամբքն :

Տես քանի հիւծեալ և մաշեալ
ես մարմնով . հիւանդագին կենօք
և վեհերոտ անձամբք տաղտա-
պեալք նեղին :

Ծանրատապուկ աւուրք վըշ

տաց և ժամանակ տուայտու .
թեան գան զկնի վաղանցուկ
հրճուանաց զեղլսութեան , խան
գարեալ և պակասեալ է 'ի նոցա-
նէ քաղց և փափագ կերակրոյ .
խահամոքք անուշահամք չեն բա-
ւական այնուհետեւ ախորժակս
արծարծել 'ի նմա :

Քանզի անձամբզանձինսզգայա-
զիրկս արարին , իրաւամբք ժա-
ւանզեսցեն ըզպատուհաս՝ զոր
հաստատեաց բարձրեալն 'ի բնու-
թեան արարածական պարզեացն
'ի կշտամբանս այնոցիկ որոց չա-
ռաչար վարեցին նոքօք :

Իսկ ովէ դա որ զուարթագին
երեսօք և շնորհագեղ ընթացիւք
անցեալ ճեմի յայն կողմն դաշ-
տին :

Վարդք երփնագոյնք ծիծաղին
'ի դէմս նորա . բուրումն անու-
շից առաւօտին ծաւալի 'ի շրթանց
նորին . բերկրութիւն անմեղու-
թեամբ ամոքեալ յաջս նորա
փայլ արձակէ , և 'ի հրճուալից
սրտէն՝ քաղցրածայնութիւնն եր-

գոց հնչէ՝ ի վեր մինչ յուշիկ դնացիւքն ձեմ առեալ շրջի :

Առողջութիւն անուն է նորա, և դուստր է ժրութեան զոր ծնաւ՝ ի բարեխառնութենէ. որդիք նոցա բնակեալ են յայն կողմըն հիւսիսական լեռանց Անտոննեայ :

Չաւակը արիականք են և ժրագլուխիք և կայտառք. ամենեին վայելցութեամբ և առաքինութեամբք զարդարեալ, որպէս և քորք նոցա :

Պարապմունք հօրնիւրեանց զարթուցանեն զախորժակս նոցին, և մօրն պարէն կազդուրէ զնոսա :

Խնդութիւն մեծ է նոցա մարտընչել ընդ ախտական կրից, և փառք նոցին՝ յաղթել սովորելոց չարեաց :

Չափաւ և կարդաւ են վայելք նոցա, վասն այնորիկ և տոկունք. ոչ յերկարանան՝ ի քուն, այլ ննջեն քաղցր և անվրդով :

Անարատ է արիւն նոցա, և միտք անխռովիք. զՃանապարհ

սեմոց տանց նոցին ոչ գիտաց բը-
ժիշկ :

Ազատութիւն ոչ եղեւ բնակա-
կեց որդւոց մարդկան , և ոչ ե-
բաց 'ի մօւտս բնակութեան նոցա-
աներկեանն անդորրութիւն :

Արտաքուստ գիմագրաւեալ
դնան 'ի նորանոր վտանգս , և 'ի
ներքոյ է ոսոխ դարանակալ որ
մատնէ զնոսա :

Քաջողջութիւն , զօրութիւն ,
դեղ և ժրութիւն՝ արկանեն իղձս
ցանկութեան 'ի սիրտ մոլեգին
սիրոյ :

Եւ յարուցեալ կանդնի ընդ
սաղարթազուարձ հովանոցաւ
իւրով . փաղաքշանօք առ ինքն
ձգէ զաչս նոցա , և տարածանէ
զթակարդս փորձութեանց :

Գիրդ և փափուկ է մարմնով ,
և փարելի տեսլեամբ . հանդերձք
նորա պլըրանօք փերեւերտեալ .
աչք նորա պագըտութի բարբա-
ռին 'ի գիրկս իւր դարանեալ նստի
հրապոյր նենդաւոր . մատամբ
նշանացի առ ինքն կարդայ , գե-

ղով երեսացն ըմբանէ զնոսա 'ի
սէր իւր , և համոզկեր քաղցրա-
բանութեամբ լեզուին նկրտի ար-
կանել զնոսա յորոգայթ :

Փախիր փախիր 'ի քաղցրաբան
բերանոյ , և մի տար զւելիս քո 'ի
հրապոյրս զմայլական ձայնի նո-
րա : Եթէ հարան աչք քո 'ի սի-
րակաթ աչս նորա , եթէ լուար
հեշտալուր ձայնին , եթէ դիր-
կըս արկեալ փարեցաւ դքեւ ,
ապա սլարաւանդեալ անդերծ
պահեսցէ զքեզ 'ի կասկանս իւր :

Ամօթ և անարդանիք 'ի վերայ
հասցեն . հիւանդութիւն և տը-
նանկութի , տառապանիք և սուրբ-
ջանիք մի դանդաղեսցեն :

Ուժաթափ լեալ 'ի տռփանաց ,
յափրացեալ 'ի դրդասէր խան-
դաղատանաց , մեղկութեամբ և
հեղդութեամբ տուայտեալ , զօ-
րութիւն և քաջողջութիւն պա-
կասեսցին 'ի քէն , և եղծցի վայել-
չայարմար շինուած մարմնոյդ ,
սակաւաւոր լիցին ամք կենաց
քոց , և շիթելափառ աւուրք քո :

բազում եղիցին վիշտք ցաւոցքոց ,
և ոչոք լինիցի քեզ կարեկից :

Բայց որք կեանն չափաւոր
ժուժկալութեամբ , առուգու-
թիւն պնդեսցէ զջիլս նոցա . ոյժ
կորովոյ յոսկերս նոցա բնակիցէ ,
և 'ի գործս վաստակոյ պարա-
պեալ զբօսնուցուն զօր հանա-
պազ :

ՊՐՈԿ ԵՐԿՐՈՒԹ

ԿԻՐԻ



Ա.

ՑՈՅՑ ԵՒ ԵՐԿԻՆԻԴ,

Քաղցր Էն խոստմունք յուսոյ
քան զվարդ դեռաբռւսիկ, և բռւ
ոըն հրապոյրք ակնկալութեան :
Բայց սպառնալիք երկիւղի ահըն-
կէց լեալ պակուցանեն զսիրտ :

Այլ դռւ զգոյշ կաց, մի՛ ՚ի
խաբս յուսոյ ըմբռնիս, և մի՛ յա-
հէ սրտաբեկ լինիցիս . այլ ժրա-
ցիր կատարելզյառաջեղեալ բա-
րին և զուղիոն, որտէս զի ան-
խոռով սրտիւ ՚ի գիմի հարցիս յա-
ջողակացն և անյաջող արկածից :

Զայր բարի ոչ զարհուրեցուցանէ երկիւղ մահու . դարձն ըզձեռս քո յանիրաւութենէ , և ոչ անկցի ահ 'ի վերայ հոգւոյ քո :

Յամենայն դէպս ձախողութեանց՝ քաջալերեա զանձն քո արդար տկնկալութեամբ , և մի թուլանար . քանզի ոչ ինչ յաջողեսցէ առն յուսահատի :

Մի խոռվեր զհոգի քո վայրասլար տագնապաւ , և մի տացես խօլական ցնորից տառապեցուցանել զսիրա քո :

Արկածս վտանգաց ծնանի երկիւղ . իսկ որ բարեյոյն է՝ անձամբ անձին օգնական լինի :

Որպէս ջայլամն հալածեալ զի զգլուխ իւր թաքուցանէ , և նշաւակ կայ 'ի յետոյ , այսպէս և երկչութին խոռվք 'ի վտանգս մատնեն զնա :

Յոր ինչ անձեռնհաս համարիցիս զանձն քո , անհնարին զայն կացուցանէ քեզ անյուսութիւն . բայց որ համբերէ մինչ 'ի վախճան , յաղթող գտցի ամենայն արկածից :

Յոյս սնուաի պատրեալ ըմբռնէ
զսիրտ անմտին . բայց որ իմաս-
տունն է՝ ոչ ընծայէ հաւատու և
ոչ ընթանայ զհետ նորին :

Յամենայն իղձս փափադանաց
քոց՝ բանն լիցի . քեզ առաջնորդ
և մի քան զկարծիս հնարաւորու-
թեան անդր ձկտեցուցանես զա-
կընկալութիւն . որողէս զի յաջո-
ղեսցի . քեզ յոր ինչ և ձեռն արկ-
ցես, և յանյաջողութեան ելից՝
կացցես մնասցես անսասան :

Բ

ՈՒՐԱԽՈՒԹԻՒՆ ԵՒ ՏՐՏՄՈՒԹԻՒՆ

Մի տար թոյլ խնդութեան
տարասլայման սաստկութեամբ
յիմարեցուցանել զմիտս քո . և
մի տրտմութեամբ և ծանրաթա-
խիծ անձկութեամբ խստառ ոըր-
տաթափ առնել զքեզ :

Զգոյզն ինչ ձիրս շնորհացն զոր
մատուցանէ . քեզ աշխարհ, զի-

տէ այնալէս բերկրատես երեեցուցանել, և զխուն մի չարեացն այնալէս դժուարակիր՝ մինչեւ դըրդուեցուցանել զքեզ՝ ի զուգակշխութենէ :

Տես անտանօր զտունն զքօսանաց՝ գեղայօրէն զարդարեալ արտաքուստ երեելի տեսլեամբ . և 'ի ձայնից իսկ բերկրութեանց ծանիցէս զայն :

Առ դրաննորին կանգնեալ հռմանւոյն 'ի ձայն բարձր կարդաց զամենեսին որք ընդ այն անցանիցեն . ցուցս առեալ գեղգեղէ , ծափը հարկանէ , 'ի ծաղը հատանի :

Հրաւիրանաւ կոչէ զնոսա դալ 'ի վայելս գրգանաց կենցաղոյս , որք ընդ հովանեաւ իմոցս ևեթասէ յարկաց գտանին :

Այլ դու մի մացէս ընդ դրունս նորա , և մի լինիցիս զովող որոց յաճախենն առնա :

Որք զանձինս մանկունս խընդութեան կոչէն , ծաղը է 'ի շըրժունս նոցա , և զուարթութիւն 'ի դէմս . այլ մոլութիւնն և շամբ .

շութիւն յամենայն 'ի գործս նոցա :

Ոյք սերտիւ կապեալընդ իւրեարս և ձեռն 'ի ձեռն ձգեալ դթեն 'ի չարիս , վտանգքը պարաւանդեալ կան զնոքօք , և անդունդք կորստեան 'ի ներքոյ ոտից նոցա բացեալ սպասեն :

Հայեաց արդ և տես յայն կողմըն , ուր հովիան վարագուրեալ 'ի անկոց հովանաւորաց , որք ծածկեն զտունն սգոյ յաչաց մարդկան :

Ինքն 'ի միջի սիրտ 'ի բերան յոգւոց հանէ խորին հառաչանօք . սիրէ զբնականանը ընդ թըշուառս և ընդ նեղեալս երկրի :

Անմեկին ունի յուշոյ մտացն զամենայն աղէտս կենաց և ողբայ անդադար . զաղփաղփուն և չարակամ բարք մարդոյ՝ անկուելի գլուխք են ճառից 'ի շըթունս նորա :

Չարիս ևելթ ծնանին առ նա արարածական բնութիւնք համօրէն . և զամենայն յոր ակն ար-

կանէ՝ նկարեալ կարծէ թաղծու-
թը մտացն իւրոց • ձայն քըրթ.
մընջանաց տիսրեցուցանէ զբնա-
կութիւն նորա դտիւ և զգիշեր:

Մի՛ հուսդ լինիր՝ ի տաղաւար
անդր, զի լի է դառնութեամբ
թունից • շունչ նորա ապականէ
զպտուլս, և ցամաքեցուցանէ
զծաղկունս որք անուշահոտ և
պայծառագեղ գործեն զպար-
տեղ կենաց:

Հեռացեալ՝ ի տանէ ծաղու՝
զգոյշ լեր ոտից քոց չխոտորել
ընդ ճանապարհս ստուերամած
օթեանին. այլ խնդրեա խնամով
ընդ միջինն հետեւել պողոտայ, որ
հանեալ ընդ հեշտին վերելս կա-
ռուսցէ զքեղ՝ ի խարսխի բաւա-
կանութեան:

Ընդ սմա բնակէ անդորրու-
թիւն կենաց, ընդ սմա ազատու-
թիւն և դիւրութիւն. խնդամիտ
է, այլ ոչ մնոտի պաճուճանաց
զհետ երթեալ. անծաղրածու,
այլ բարեհամբոյր • անիտով և
անայլայլակ՝ ի վիշտս և՝ ի հը-
ճուանս կենցաղոյս:

Աստուածա իբրև 'ի բարձր գիտանոցէ ելեալքննեսցէս զանմը տութիւն և զհիդութիւն այնոցիկ, որք ըստ մարմաջելց ցանկութեան սրտից իւրեանց՝ հանգանակեն 'ի զեղիսութիւն ընդ ընկերս ուրախամիտս . կամ թէ գեղեալք 'ի հոգոց և յանձկութենիշ սրտի, մաշեն զամենայն առուրս կենաց իւրեանց 'ի սուդ՝ ընդ աղետս և ընդ տառապանս որդւոց մարդկան :

Հայեաց 'ի նոսա և գլմա 'ի չուառականսն, և 'ի վրիպանաց թիւրելց նոցին ուսիր ընդ անըստերիւրն զնալ շաւիդ :

Գ

ԲԱՐԿՈՒԹԻՒՆ

Որպէս փոթորիկ հողմոյ զեռժգին բռնութեամբ արմատախիլ առնեշ զտունկս և վեր 'ի վայր եղծանիշ զտեսիլ բնութեան, կամ

որպէս 'ի թափոյ բուռն սասա-
նութենէ երկրի՝ տատանեալ տա-
պալի քաղաքանին, այսպէս զայ-
ըռւցք առն բարկացողի տարա-
ծանեն զիւրեաւ վնասս չարեաց.
կորուստ և վիշտք ևեթ մնան առ-
նմա:

Մի մոռանար զանձին քո տկա-
բութիւն, և ներողամիտ լիցիս
թերութեանց այլոց:

Մի մասներ զանձն քո 'ի ձեռն
կրից բարկութեան, զի զի՞նչ այ-
նու դործիցես, բայց սուր ընդ-
անձն քո մխել, կամ վէրս'ի սիրտ
բարեկամի դնել:

Եթէ փոքունախատանաց համը
բերեցեր, զգօնութեան քում
զրեսցի այն շնորհ ։ իսկ եթէ ջնջե-
ցես 'ի մտաց, սիրտ քո հանդիցէ
և միտք քո ոչ լիցին այլոց սւար-
սաւադէտ:

Չիցէ՞ քո տեսեալ զայր 'ի ցաս-
ման զրկեալ յիւրոյ բանեն մը-
տաց. արդ մինչ արթունդ ես
մտօք՝ զմոլեգին ցասումն այլոց
կտը քեզ 'ի իրատ զգուշութե:

Մի ձեռն արկաներ 'ի գործ 'ի բարկութեան ելով . ոչ ասպաքէն անմտութեան է նաւարկել ընդ ծով 'ի խռովութեան մրրկայոյզ ալեաց :

Խոհական խորհրդովք նուազեա զդժուարասանձն բարկութիւն . խոտորեա յառթից սըրտ մըտութեան և ցասման . և եթէ սլատճառք լինիցին՝ զդոյշ լեռ անձինդ :

Սըրտմտի անմիտն ընդ յոխորտաւ այլոց . իսկ զգօնն առ ոչինչ գրեալծիծաղի զնախատանօք զոր լսիցէ :

Մի վրիժախնդիր ոխակալ լիցիս յանձին քում . քանզի ոխմթերեալ զանձն տանջէ , և ասպականէ զբարի բարի յօժարութիւնս սըրտի :

Ներ դիւրապատրաստ 'ի ներումն քան 'ի հատուցումն թըրշնամանաց . որ պարապոյ սպասէ առնուլ զվրէժ . իւր՝ անձին իւրում դարանակալ լինի , և 'ի դլուխ իւր թափէ զըարիս :

Պատասխանի ողոք առ անձն
զայրացեալ, իբրև զջուր ածեալ
զհըով՝ շիջուցանէ զբորբոքումն
նորա, և 'ի թշնամոյ բարեկամ
քեզ լիցի :

Թէ գիտեիր քանի սակաւ ինչ
է արժանի բարեկութեան, զար-
մանայիր արդեօք եթէ բաց յան-
մուաց ոք 'ի ցասումն բրդիցի :

Սկիզբն բարեկութեան՝ անմը-
տութիւն և յեղյեղուկ բարք
մարդոյ ։ այլ կատարած նորա
արդարե ածցէ սարջանս և ապա-
շաւ :

Ընդ հետս անմտութեան մօ-
տագոյն զնայ ամօթ ։ և 'ի թի-
կունս բարեկութեան արագ հա-
սանէ խայթ մտացն խղճի :

¶

ԳԹՈՒԹԻՒՆ

Որպէս դարուն զի սփռէ յեց
քեսս երկրի զտունի դաշարագեղ
և զծաղիկ դեռաբողբոջ, որսլէս
բարեբեր լիութիւն ամարայնի,
զի ատոքս և հարուստս գործէ ըզ
հունձս. այսպէս ձիբք գթութեն
ողարդնս բարիս ցողեն՝ ի վերայ
որդւոց մարդկան :

Որ կարեկից լինի տառապե-
լոյն՝ զանձն իւր հաճոյ ընծայե-
ցուցանէ. խակ որ անկարեկիրն է,
հաճոյ լինել ոչ ունի :

Ոչ անսայ մսագործ մռնչելոյ
դառին, և ոչ սիրտ ապառում
ընդ աղէտս այլոց խանդաղատի:

Բայց արտասուք գորովագութ-
առն քաղցր են քան զտարափս
ցողս՝ որք՝ ի ծայրից վարդից կա-
թեն՝ ի ծոց երկրի:

Մի ունկնախից լինիր առ ա-

զազակս ողբոց նեղելոյն և տնանց
կի . և մի խստացուցաներ զսիրտ
քո ընդ արկածս անմեղին :

Յորժամ որբն անտերունչ յո-
զոք անկեալ աղաղակիցէ քեղ ,
յորժամ հարստահարեալ և վըշ-
տալից սիրտ այրւոյն ողօրմագին
արտասուօք զքոյդ խնդրիցէ ձե-
ռընտուութիւն , գութ քո անկցի
ընդ տառապանս նոցին , և եղիցիս
ձեռնտու և ապաւէն լքելոց և
անկելոց :

Եթէ տեսանիցես զմերկն ցըր-
տահար՝ վայրապար շրջելով՝ ի
փողոցի , բաց զգութս սրտի քո
մարդասիրապէս , և 'ի թես բա-
րեդթութեան ժողովեալ զնա՝
թափեա 'ի մահուանէ , և կեցցէ
անձն քո :

Մինչդեռ տնանկն հիւանդա-
գին յոգւոցհանութեամբ կողկո-
ղի 'ի մահիճս և քաղին ոդիք նո-
րա 'ի զարհուրանաց ստորերկ-
րեայ բանտի , կամ ալէզարդ գը-
լուխ ծերութեան առ քեղ'ի վեր
ամբարձցի նուաղեալ ակնար-

կութեամբ, դժութիւն 'ի քէն
ժտելով, ժուժայցես տակաւին
փափկանալ շուայտութեամբ և
զեղխութեամբ, և անփոյթ առ
չքաւորն և անզգայ ընդ աղէտո
նեղելոյն լինել:

Ե

ՍԵՐ ԵՒ ՑԱՆԿՈՒԹԻՒՆ

Փախիր, պատանի դու, փա-
խիր 'ի հրապուրանաց անառա-
կութեան, և մի տար զովովի ցան-
կասիրի գերել զսիրտ քո :

Յիմարութիւն ցանկութեանն
սարտուսցէ զքեզ 'ի հետոց նո-
րա. և մի մատնիցես զանձն քո
'ի կորստական կուրութիւն ցաս-
ման նորա :

Մի տար զսիրտ քո 'ի քաղցր
հրապոյրս նորա, և մի թողուր
հոգւոյ քում ըմբռնիլ 'ի պատ-
րանս գեղոյ նորա :

Քանզի զեղխուն ցամաքեցու-

ցանե զվտակս առողջութեան՝ ուրոց 'ի գեալ է խառնել ընդ առուս հեշտութեան, և ընդ հուսդ սպառի աղբիւր նորա:

Յարբունս ծաղկեալ տիոց 'ի վերայ հասցէ քեղ ծերութիւն ծանը, և յառաւօտու կենաց քոց խոնարհեսցի 'ի մուտս արեգակն քո:

Այլ գեղ կնոջ առաքինութեամբ և ամօթխածութեամբ զարդարելոյ՝ առաւելփայլէ քան զաստեղս երկնից:

Աչք իւր քաղցրահայեացք որպէս զտատրակի, անկեղծութիւն և ճշմարտութիւն բնակեն 'ի օրտի նորա:


Մեղք կաթէ 'ի համբուրից շըրթանց նորա, հանդերձ բուրմամբք անուշից:

Ի մաքուր խանդաղատանաց սիրոյ՝ սիոփիի և աղնուագոյն և մինի սիրտ:

ՊՐԱԿ ԵՐԵՈՐԴ

ԿԻՆ

ԵՒ ԿԱՐԵՒՈՐ ՍԶԳԱԿԱՆՔ



Ա.

Կ Ի Ն

Լուր դուստր ձայնի զգօնութեան, և զպատգամս ուղղութեալպաւորեա 'ի սրտի քում, և առաւել պայծառասցին շնորհք քո. և գեղ դիմաց քոց նմանելոց վարդի, պահեսցէ նման նմին ըղփափկութիւն իւր և 'ի թառամել անդ ծաղկին:

Յառաւօտու կենաց քոց և յարբունս մանկութեան՝ յորժամբազում իցեն աչք որ զքեզ

շննիցեն, զգաստ լեր՝ ի լսելը զ-
բանս հրապուրանաց նոցին. ըզ-
դոյշ լեր սրտի քում. և մի՛ տար
ունկն սիրալիր պատրանաց նո-
ցա :

Ծանիր զքեղ հաստատեալ
'ի ճահ ընկերութեան առն, և ոչ
գերի ցանկութեանց նորա. յօ-
ժանդակ նմին տուեալ են քեղ
կեանք, 'ի միսիթարել զնա խան-
դակաթ սիրով, և խնամոց նորա
փոխարէնս հատուցանել քաղցր
դդուանս :

Ո՞վ է 'ի կանայս որ գրաւեալ
ունի զսիրտ առն իւրոյ, և հնա-
զանդեցուցանէ զնա ընդ լծով
սիրոյ :

Ահաւասիկ ձեմի նա 'ի հան-
դիսպոյ. անախտ մաքրութիւնն
հանդերձ անմեղութեամբ մտացն
գիտակցութեան և պարկեցու-
թեամբ դիմաց՝ փայլեն 'ի նմա :

Զեռք նորա 'ի խնդիր են գոր-
ծոյ, և ոտից նորա ոչ է հա-
ճոյ արտաքոյ տանն զեգերել:

Հանդերձս զգեցեալ է չափ

վայելըութեամբ , յագեալ ժութեալութիւն է կալութեամբ . հեզութիւն և քաղցրութիւն իբրև զթագ փառաց կան 'ի գագաթան նորա :

Քաղցր են բանքը լեզուի նորա ,
անուշութիւն մեղու կաթէ 'ի
շրթանց նորա :

Համեստութեամբ համեմեալ
են ամենայն բանք նորա . ճշմար-
տութեամբ և գթասիրութեամբ
են պատասխանիք նորա :

Հլութիւն և հնազանդութիւն
են վարք կենաց նորին . հանդար-
տութիւն և երջանկութիւն վարձք
նորա :

Զգօնութիւն յառաջընթաց
լինի 'ի դործս իւր , և առաքինու-
թիւն կայ յաջմէ նորա :

Զսէր և զքաղցրութիւն բար-
բառին աչք նորա . այլ խոհակա-
նութիւն առեալ զգաւազանն
արքունի՝ բազմի 'ի վերայ յու-
նիցն նորա :

Առաջի նորա ափ 'ի բերան ե-
ղեալ կարկի , և յահէ լաւու-
թեան նորա պապանձի լիրըն :

Ի յաճախել բամբասանաց , և
յընթանալ համբաւոյ ընկերին
բերան 'ի բերանոյ , եթե առ բա-
րեսիրութեան և բարեկամու-
թեան ոչ բացցէ զբերան իւր ,
մատն լոռութեան հանգուցեալ
կայ 'ի շրթունս նորա :

Կայանք բարութեան են սիրու
նորա , վասն որոյ և չառնու զու-
մեքէ կարծիս չարութեան :

Երջանիկ է այր որ եղիտ զնա ,
երանելի են մանկունք որ կոչի-
ցեն զնա մայր :

Ինքն վերակացու է տանն , և
ամենայն ինչ յանդորրու . խո-
հական ինամով հրամայէ , և լսե-
լի լինին բանք նորա :

Վաղայարոյց լինի ընդ առա-
ւոտս , և խորհի 'ի տնտեսութիւն
գործոց իւրոց . ամենեցուն կար-
գեալ տայ զարժան սպասաւո-
րութեան գործ :

Զբօսանս համարի զինամն
տանն , 'ի նոյն զբաղի ամենայն
ջանիւ փութոյ . վայելքութիւն և
չափաւորութիւն երեխն ամե-

Նայն ուրեք ընդ յարկաւ նո-
րա :

Ժրադլուի տնտեսութեամբն
սպարծանս լինի առն իւրում, և
չէ գովեստից անքարքառ բերկ-
րութեամբ :

Իմաստութեամբ վարժէ ըզ-
միտս մանկանց իւրոց, և բարե-
բարոյ վարուք իւրովք օրինակ
ուղղութեան ընծայէ կենաց նո-
ցին :

Օրէնք են որդւոց բանքը շր-
թանց նորա • ակնկալութիւն իւր
հլուս և կամարարս առնէ զնոսա :

Զայն ածէ, և ձեւին ծառայ-
քըն • ազդ առնէ մատամբ և վճա-
րի գործն • քանզի օրինաց սիրոյ
անսան սիրաք նոցա, և բարե-
բարոյ հրամանք նորա թես տան
դարշապարաց նոցին :

Ոչ փանայ 'ի յաջողութիւնս
հողմով ամբարտաւանութեան,
և դեղով աննկուն համբերու-
թեան պատէ զվերս բաղդի :

Խրատք և գութք նորա նուա-
զէն և ամոքեն զխովութիւն և

զվեշտս և զարկածս, մերձեալ՝ ի
սիրտ նորա՝ միսիթարի այր իւր։
Երանի՛ առն որ առ զնա՝ ի կին,
և որդւոյ որ կոչեցէ զնա մայր
իւր։

Բ

ԿԱՆԱՄԲԻ

Անսա խրատու պատուիրա-
նաց Տեառն, և առ քեզ կին։ Արա
քեզ կին մի, և լեռ անդամ պի-
տանի ընկերութեան մարդկան։

Տես խնամով, և մի վաղվաղես-
ցես յընտրելն քեզ կին, քանզի
յընտրութենէ այտի գտցես առ
յապայ զանդորրութիւն կենաց։

Կոյս որ սիրէ ժամավաճառ
լինել՝ ի ալքանս՝ ի յարդ և՝ ի
զարդ զգեստուց, կամ ընդ գեղ
անձին իւրոյ սիրանայցէ, և գո-
վեստից որսորդ իցէ, կամ ստէպ
ծիծաղիցի և բարձրածայնս բար-
բառիցի։ որոյ ոտք իւր ոչ դա-

գարիցին 'ի տան հօր իւրոյ , և
աչք նորա լրբենիք յածիցին 'ի
դէմս մարդկան . ընդ այնալիսւոյն՝
թէպէտ և արեգական նման փայ-
լիցէ , և անդամ մի ակն արկա-
նիցես ընդ տեսիլ դեղոյն , և մի
գնացեն գարշապարք քո ընդ
շաւիլս նորա , և մի սնոտի հրա-
պուրանօք ցուցակութիւնիք մը-
տաց գերեսցեն զանձն քո :

ԱՅԼ Եթէ դիւրազգած սրտի
հաղորդ իցէ և քաղցրութիւնբա-
րուց 'ի նմա , և ներքինք մտացն՝
հաճոյագոյն քեղ իցեն քան դար-
տաքին երեսյթ վայելըութեանն
զնա տարցես 'ի տուն քո . քան-
զի այնալիսւոյն վայել է լինել
քեղ մտերիմ , և կենաց քոց կը-
ցորդ , և ամուսին գրկաց քոց :

Երբեւ յօրհնութիւն երկնա-
ռաք՝ գութ արկեալ 'ի վերայ
այնալիսւոյն , սիրեա խնամով և
պահեա զգուշութեամբ . և լեր
նմա սիրելի բարեմոյն բարուք :

Տիկին տան քո է նա , վասն այ-
նորիկ ակնտծութեամբ մտտիցես

առ նա , զի և ծառայք քո հնա-
զանդ լինիցին նմա :

Մի վայրապար կագեր և խա-
փան լինիր բաղձանաց նորա : Հա-
ղորդ է նա վշտաց քոց , լիցի և
վայելիցն քոց մասնակից :

Հեղութեամբ խրատեա զսխա-
լանսն , և մի խստութեամբ պա-
հանջեր 'ի նմանէ ցածութիւն :

Մի ժագուցաներ 'ի նմանէ ըզ-
ծածուկս սրտի քո , և մի անձ-
նամատն լինիցիս . քանզի անկեղ-
ծութեամբ են խորհրդակցու-
թիւնք նորա :

Մի գրժեր զանկողինս նորա ,
քանզի մայր մանկանց քոց է
նա :

Ի ցաւս և յախտս եթէ տեսա-
նիցես զնա ջերեալ , կաթողին սի-
րով դիւր արտ վշտացն . հայե-
ցուածք կարեկցութեան ամո-
քեսցեն զտառապանս նորա , և
սիրալիր ակնարկութիւն մի հզօ-
րագոյն իցէ յասպաքինել քան-
զտասն բժիշկս :

Ծանիր զփափիկութիւն և զտը-

կարութիւն բնութեանն , և թէ-
րութեանց նորա համբերող լեռ
ներողութեամբ . մի մոռանար և
զքոյդ անկատարութիւն անձին :

Գ

Հ Ա Յ Ր

Ծնողդ դու , տես քաջ , որպի-
սի աւանդեցաւ քեզ աւանդ .
պարտք են քեզ սնուցանել զոր
ծնարդ :

Բարութեան կամ չարի ման-
կանդ դու ես պատճառք . և քե-
ընծայեսցի մանուկդ պիտանա-
ցու կամ անպիտան՝ առ ընկե-
րութիւն մարդկան :

Կանխեա դաստիարակել զոր-
դի քո , և կանոնօք Ճշմարտու-
թեան հաստատեա զմիտս նորա :

Քննեա ուշով զընդաբոյս բեր-
մունս յօժարութեանց նորին , և
ուղղեա 'ի տիս տղայութեան , զի

մի քնաւորեալ սովորութեան
չարի ընդ հասակին զարդասցի :

Ուղղաբերձ աճեցեալ բարձ-
րասցի նա որպէս զեղեին՝ ի դը-
լուխս լերանց, և գլեսցէ դադա-
թամբն զծառովք անտառի :

Որդի անխրատ՝ նախատինք
հօր իւրոյ որդի առաքինի՝ փառք
են սպիտակափայլ ալեաց հօր :

Քո է երկիրն, և քեզ մնայ
զայն գործել զոր սերմանեմն՝
զնոյն և հնձեսցես :

Ուսո՞ նմա զհնազանդութիւն,
և օրհնեսցէ զքեզ զհամեստու-
թիւն, և մի կորասցի ամօթով :

Ուսո՞ նմա զերախտագիտու-
թիւն, և գտցէ շնորհս զմարդա-
սիրութիւն, և սիրելի եղիցի :

Ի ժուժկալութիւն վարժեա
զնա և անախտ լիցի ՚ի խոհե-
մութիւն, և յաջողեսցի նմա :

Կրթեա զնա յարդարութեան,
և պատուական լիցի յաշխարհի ։
յանկեղծութեան, և ոչ լիցի ար-
համարհու այլոց :

Ժիր յարդարեա զնա, և բազ-

մասցին ինչք նորա . զգթութիւն
ուստի նմա , և վեհանձն եղիցի :

Վարժեա զնա 'ի գիտութիւ ,
և օդտակար եղիցին կեանք նո-
րա . հրահանդեա զնայաստուած-
պաշտութեան , և երանելի լիցի
'ի մահուն իւրում :

Դ

Ո Ր Դ Ի

Քննեցէք զգործս Աստուծոյ
և ուսջիք զիմաստութիւն . խրա-
տեցարուք օրինակաւ զոր ըն-
ծայեն ձեզ արարածք ձեռաց
նորա :

Երթ յանապատ որդեակ իմ ,
և տես յամայութեան զձադ ա-
րագլի , և ուսիր 'ի նմանէ զձե-
րատածութիւն . զի 'ի թես իւր
բարձեալ կրէ զհայրն հնացեալ ,
բնակեցուցանէ զնա յանքոյթ ա-
կաստանի և ջամբէ նմա կերա-
կուր :

Քաղցր են գութք զաւակաց
քան զանուշունս խնկոց Ելամա-
շոց նուիրելոց՝ ի բադինս արե-
գականք բուրազուարձքան զօդս
անուշահոտ զոր արևմտեանն
սղոխ սաստկաշունչ ածէ յերե-
սաց մշկահոտ և քըքմաւէտ դաշ-
տացն Արաբիոյ :

Ծանիր զերախտիս հօր՝ որ ծը-
նաւն զքեղ, և զմօր՝ որ մնոյցն
զքեղ :

Անսա՛ բանից որք ելանեն՝ ի շըր-
թանց նորա, զի վասն բարու-
թեան քոխօսինքունկն դիր խրա-
տուց նորա, քանզի ՚ի սիրոյ սըր-
տին բղխեն :

Դարման տարաւ քեղ վասն
առողջութե, աշխատ եղեւ վասն
անդորրութեան անձինդ . վասն
այնորիկ պատուեա զալիս նորա
ծաղկեալս, և մի ամաչեցուցա-
ներ զարծաթափայցլ հերս ծե-
րութեան նորա :

Յեշեա զտիսեղծ հասակ ման-
կութեան քո, և մի մոռանար
զեռանդն յոխորտ պատանեկու-

թեան քու և երկայնամիտ լեզ
տկարութեան ծերացեալ ծնո-
ղացդ քոց ու մի լքանիցես անօգ-
նական զհասակն դանդաչեալ :

Ամփոփեսցես 'ի խաղաղութե-
զսլիտակափայլ ալիս նորա 'ի
քնարան շիրմին . և որդիք քո 'ի
քէն ուսեալ զխնամն բարեգթու-
թեան , փոխարէն բարի հատու-
ցեն բարեպաշտութեան քում :

Ե

ԵՂԲԱՅՐ

Միոյ հօր որդիք էք դուք , զգու-
շացեալք նովին խնամոց թեար-
կութեամք . և ստինք միոյ մօք
դիեցուցին զձեղ :

Կապեա զսիրտ քո ընդ եղ-
բարս քո կապանօք սիրոյ , և ընա-
կեսցեն 'ի տան հօր քոյ խաղա-
ղութիւն և երջանկութիւն :

Եւ եթէ դէպք սլահանջեսցեն
անջատել ձեզ յիրերաց , անմո-

ռաց կալջեք զանլոյծ զօդ արեւ
նակցութեան որ պարտականս
կացուցանէ զձեղ՝ի սէր և 'ի միա-
բանութիւն. մի՛ լիցի ձեղ զայր
օտար նախապատիւ առնել քան
զարիւն հարազատ :

Եթէ ձախողեաց եղբօր քում,
օգնեա նմա՝ և եթէ քոյր իցէ քո
վտանգեալ վշտօք՝ մի բարձի թո-
ղի առներ զնա :

Եւ յայսմանէ ոչ պակասեսցէ
նպաստ ընչից հօր քո առ ամեւ
նայն տուն իւր՝ և 'ի սիրել ձեր
զմիմեանս՝ խնամք նորա անպա-
կաս լիցին 'ի ձենջ :

ՊՐԱԿ ԶՈՐՅՈՒԹ

ՊԱՅՄԱՆԻ ԿԵՆԱՑ

Ա.

ԽՄԱՍՏՈՒԽ ԵԽ ՏԳԿՑ

Շնորհաք գիտութեանց տուրք
են Աստուծոյ. Նա տայ իւրա-
քանչիւր որչափ ինչ վայելուչ և
կարեւոր վարկանի :

Նա ինքն Տէր շնորհազարդեաց
զքեղ հոգւով իմաստութեան և
լուսաւոր արար զքեղ գիտու-
թեամբ ճշմարտութեան. հաղոր-
դըս արա զտգէտն հանճարոյ
քում՝ զի հրահանգիցի, և զի-
մաստունն՝ զի առաւել ևս շա-
հեսցի :

Իմաստութիւն ճշմարիտ՝ ոչ
ընդ անձն պանծայ և ոչ զտղէտմն
արհամարհէ. իմաստունն ստէպ
յերկբայս լինի, և զկարծիս իւր
փոխէ: Յամառ է տիսմարն և 'ի
կարծիս մտացն սեեռեալ պնդի.
զամենայն խոստանայ գիտել, և
տղիտութեան անձինն անդէտ է:

Ատելի և անարդ են վիառք սնա-
պարծից, և ախտ է մոլեկան անձ-
նակով շաղակրատութիւն: Այլ
գործ է՝ համբերատար իմաստու-
թեամբ անսալ յիմարին շաղ-
փաղփանաց, և 'ներել անձահ և
անոսպայ գործոց:

Մի մեծամտեր ընդ հանձար
քո, և մի պանծաս ընդ բազում
հմտութիւն քո. քանզի զի՞նչ ա-
ւելի է գիտութեան մարդոյ 'ի
կուրութենէ և 'ի մոլորութենէ:

Ճանաչէ իմաստուն զթերու-
թիւնս իւր, և խոնարհի և ոչ
խնդրէ զհաճոյս իւր. իսկ անմիտն
սխրանայ զանխուլ ընդ սակաւա-
ջուր վտակ իմաստիցն, խնդայ
ընդ իսիճմն զոր ընդ ալեօք տե-

սանիցէ, և 'ի վեր ամբարձեալ
ցոյցստայ իբրև մարդարիտս վեր-
բերեալ, և գովութիւնս լուեալ
յեղբարց՝ զուարժացեալ հըր-
ճուի:

Պարծի ընդ գիտութիւն ում
պէտ իրաց. իսկ յարժաննն՝ ան-
գիտանայ և չամաչէ:

Նա և 'ի շաւիլս խմաստութե-
թեակոինեալ՝ ղաղամարութեան
զհետ կրթի. վաստակաբեկ ե-
ղեալ ժառանդէ զամօթ, և ինչ
'ի ձեռս ոչ բերէ:

Բայց հանճարեղն մակացու-
թեամբը զմիտս իւր կրթէ. ընդ
յառաջադիմութիւն արուեստից
բերկրի, և կենցազօդուտ հնա-
րից լեալ գտակ՝ գովութեամբ և
փառօք նախամեծար լինի 'ի ժո-
ղովրդենի:

Եւ 'ի վերայ այսոցիկ զառա-
քինութիւնն գիտէ ուսումն գե-
րադոյն. և ոչ դադարէ յամենայն
'ի կեանս իւր պարապել 'ի հայ-
թայթանս երջանկութեան:

Բ

ՄԵԾԱՏՈՒՆ ԵՒ ՏՆԱՆԿ

Որ ընկալաւ 'ի տեառնէ մեծութիւն ընչեց , և միտս առողջավարելոյ նոքօք ըստ ալէտս , չիքիրեւ զնա սիրելի և պատուական :

Չուարթ ակամբ հայի 'ի գանձըս իւր՝ իրեւ յօժանդակս բարեգործութեան :

Պաշտպան կայ սնանկին , և հարստահարեան վրկէ 'ի ձեռաց հզօրի :

Այցելու և կարեկից լինի տառապելոց . քննէ զկարօտութիւն նոցա , քաջալեր և մսիթար մատուցանէ նոցա զգաստ մոք առանց սնափառութեան :

Օգնական լինի տկարին , և վարձահատոյց արժանաւորաց . խրախուսեալ զօրացուցանէ զճշմարտութիւն , ձեռն տայ վսեմական

ոգւով, և զամենայն խորհուրդ
պիտանի յառաջ վարէ:

Յառաջեցուցիչ է մեծամեծ
գործոց. Երկիր նորա բարդա-
ւաճ, և Երկրագործն անպարապ
'ի վաստակոց. մտաքերէ 'ի նո-
րանոր ձեռնարկս, և արուեստք
'ի զարդացումն ընթանան:

Զաւելորդս սեղանոյն՝ համա-
րի բաժին ալքատաց դրացեաց
իւրոց, և ոչ անմասն առնէ զնո-
սա:

Մեծութիւն վիճակի ոչ լինի
խափան բարեսէր կամացն. վասն
այնորիկ խնդայ անստգիւտ ու-
րախութեամբ ընդ Ճոխութիւնս
իւր:

Վայ այնմիկ է որ անձին միայ-
նոյ գանձէ, և միայնակ յօրանայ-
ցէ 'ի բարիս:

Որ ամաչեցուցանէ զտնանկն,
յիշէ իսկ ոչ զտաժանաբեկ վաս-
տակս նորա:

Ոտնհար լինի անզգայութե՛,
և ոչ խոռվին աղիքնորա 'ի գութս
եղբօր:

Իբրև զկաթն ըմպէ զարտա-
սուս որբոյն . աղաղակ և հեծու-
թիւն այրեաց՝ քաղցրաձայնու-
թիւնք երգոց թուին նմա :

Յադահութենէ խստացեալ է
սիրտ նորա . աղէտք և փորձու-
թիւնք այլոց այնուհետեւ ոչ ինչ
աղդեն 'ի նա :

Սակայն անէծք անօրինի զհետ
նորա ընթանան . զօր հանապազ
դանդաչէ Երկիւղիւ . ամբոխումն
մտացն և զօշաքաղութեան տենչ
վրէժս անդադարս պահանջեն 'ի
նմանէ , վասն զրկելոյ նորա և տա-
ռապեցուցանելոյ զայլս :

Իբրև ոչինչ մի են տառապանք
աղքատի առ անհնարին տագնա-
պաւ խղճի դիտակցութեան ան-
ձին նորա :

Բազում ինչ է որ մսիթարէ և
հատանէ զսուդ տնանկին :

Մատչի 'ի ճաշ իւր անդորր
ոգւով , և ոչ գոն նորա պորտա-
բոյծ և հացակատակ բարձակիցք :

Անդ ոչ սպասարարք զիրեարս
մղեն , և ոչ գժդմնելոց լսին ա-
ղաղակք :

Հըսաժարեալ՝ ի խահամոք խոր-
տըկաց ընչեղին, ազատ է և յախ-
աից նորա :

Քանի՞ քաղցր է 'ի քիմն նորա
հաց իւր . քանի՞ ախորժ է ջուր
ծարաւոյ նորա : Քաղցունիք և
անուշարաբք են նմա այսոքիկ
քան զամենայն դահամունս փափ-
կավար զեղլսելոց :

Վաստակովք իւրովք տածէ
զառովըութիւն, և հայթհայթէ
զհանդիստ անձին, յորմէ անմասն
են գիրդ անկողինք յուլացելոց :

Պարկեշտութեամբ չափաւո-
րէ զքաղց իւր . և հանդիստ չա-
փով՝ հեշտալի է նմա քան զա-
մենայն մեծութիւն և զփառս աշ-
խարհի :

Վասն այսորիկ մի պարծեսցի
որ հարուստն է ընչիւք՝ ընդ ճո-
խութիւն և ընդ հանդերձանս
շքոյ իւրոյ . և մի անկածն յըն-
չից՝ սրտաբեկ և յուսահատ լիցի
'ի տուայտելն . քանզի հաւասար
բաժանէ երկաբանչիւրոց նա-
խախնամութիւն բարձրելոցն ըզ-
պարդես իւր և զքարիս :

Գ

ՏԵՐ ԵՒ ԾԱՌԱՑ

Մի արտնջեր, ով մարդ, ընդ
ծառայութեան քո պայման. զի
հրաման Աստուծոյ է քեզ, և
բաղում շահք են քեզ անտի.
Քանզի կարծէ 'ի քէն զհոգս և
զտաղտապանս կենաց :

Հաւատարմութիւն՝ փառք
ծառայի. հաւատակութիւն և
ունկնդրութիւն՝ պատուական
շնորհք են նորա :

Համբեր յանդիմանութեանց
և կշտամբանաց տեառն քո՝ և մի
ընդդեմ բանս բարբառիցիս 'ի
պարսաւագէտ լինել նորա. որ
պէս զի ընդունելի լիցի առաջի
Տեառն հլուական քո լուութիդ :

Միտ դիր օգտի տեառն քում.
արթուն լեր 'ի տնտեսութեան
դործոց նորա, և հաւատարիմ
յոր ինչ և աւանդեսցէ 'ի քեզ :

Ժամբ քո և վաստակը նմա
անկանին . տես մի զրկեսցես զնա .
Քանզի վասն դոցին հատուցանէ
քեզ վարձո :

Եւ դու որ տէրդ ես և իշխան ,
Հեր արդար և ողորմած առ ծա-
ռայ քո , եթէ ակն ունիս հաւա-
տարմութե՛ և փութաջան սպաս
գաանելց 'ի նմանէ , և եթէ հնա-
զանդութիւն կամակար պահան-
ջես 'ի նմանէ :

Մարդ է և նա . տես , դուցէ
գոռոզութեամբ և բոնութեամբ
խոռոչուցանիցես զոդի նորա :
Եւ երկիւղ ոչ ծնցի զսէր :

Ընդ կշտամբանս և ընդ իրա-
ւունս իշխանական մեծութեանդ
խառնեսջիր դութ . որպէս զի
յանդիմանութիւնք քո դամա-
դիւտ լիցին 'ի սիրտ նորա , և ըս-
պասահարութիւն՝ զբօսանս հա-
մարեսցի նմա :

Եւ ծառայեսցէ քեզ միամտու-
թեամբ առ երախտեաց , և լուի-
ցէ քեզ խնդութեամբ առ 'ի սէր .
և մի վերջասցիս յարդար հա-

տուցմանէ վաստակոց և հաւա-
տարմութեան նորին :

Դ.

ԻՇԽԱՆՔ ԵՒ ԻՇԽԵՑՑԵԱԼՔ

Ո՞վ դու՝ զոր երկինք պատուե-
ցին, և որդւոց մարդկան հաճոյ
թուեցաւ համբառնալ՝ ի վերոյ
իւրեանց իբրու կառավար ուղ-
ղիչ, խելամուտ լեր քանի մեծ և
պատուական աւանդ տուաւ
քեզ, առաւել քան զփառսպաշ-
տաման քոյ :

Ծիրանիս զգենուս և 'ի դա-
հոյս բազմիս. Թագ վայելըութե-
ղեղայօրեն պՃնէ, զՃակատ քո,
գաւազան արքունի կայ՝ ի ձեռին
քում. այլոչ եթէ վասն քո միայ-
նոյ տուեալէ քեզ այդ ամենայն.
և ոչ այնպէս առ անձին քո շահ,
որպէս առ օգուտ ժողովրդեան
քո :

Թագաւորի փառք՝ բարօւնու-

թիւն և յաջողողութիւն ժողովը վըրդեան իւրոյ զօրութիւն և մեծութիւն նորա՝ հանգուցեալէ՝ 'ի սիրտս նոցա :

Բարձր և վսեմական են խորհուրդնեան թագաւորազին՝ հանգոյն աթուոյնորա՝ 'ի բարձունս մտաբերէ և ըստ զօրութեան իւրում մեծի բուռն հարկանէ :

Կոչէ առ ինքն զիմաստունս տերութեան իւրոյ խորհրդակից լինի ընդ նոսա ազատօրէն, և կարծեաց միոյ միոյ 'ի նոցանէ ունկն մատուցանէ :

Խնամով խնդրեալ ընտրէ՝ 'ի ժողովրդենէն, և 'ի վերայ հասեալ բաւականութեան իւրաքանչիւր՝ պարապեցուցանէ զնոսա 'ի գործ պատկան և 'ի դէս :

Դատաւորք նորա արդարադատք, վերակացուք նորա խոհականք, և սիրեցեալք 'ի նմանէ աննենդք :

Պաշտպան լինի հնարից արուեստից և բարգաւաճեն ընդհովանեաւ խնամոց նորա ծաղ-

կեալ աճեն գիւտք և մակացու-
թիւնք :

Ընդ Ճարտարս և ընդ քաջուս-
մունս կենակից լինի , և վառէ նա-
խանձ 'ի սիրտս նոցա . ջանք և եր-
կասէր վաստակք նոցա առաւե-
լուն զփառս թագաւորութեան
իւրոյ :

Զջանս վաճառականի՝ որ 'ի
շահավաճառ զանձն յեղեալ է ,
զարթնութիւն մշակին՝ որ ար-
դասաւորութեան երկրի ուշ ե-
ղեալ բազմացուցանէ զպտուզ ,
զՃարտարութիւն հնարագէտ ա-
րուեստաւորաց և զեռանդն ի-
մաստասէր համբակաց , չնորհօք
և փառօք իւրովք պատուէ , և
առատաձեռն պարզեօք վարձա-
հատոյց լինի նոցա :

Գրաղթականս աւաքէ , նաւս
կառուցանէ մեծամեծս . բանայ
գետոց Ճանապարհոնորս 'ի դիւ-
րութիւն նաւազու ընթացից , և
նաւահանգիստս անքոյթս կաղ-
մէ : Ծառայք նորալնուն մեծու-
թեամբ , և զօրութիւն արքայու-
թեանն նորա աճէ օր ըստ օրէ :

Կարդէ օրէնս իմաստունս և
արդարս . Ժողովուրդ նորա յա-
պահովի վայելէ յարդիւնս գոր-
ծոց իւրոց . և պահպանութեամբ
օրինաց երջանիկ լինի :

Ի գթութիւն հաստատեալ է
զդատաստանս իւր . այլ 'ի պա-
տուհաս ամբարշտաց խստացու-
ցանէ զդէմս իւր , և դատի դա-
տաստան անաչառ :

Դիւրալուր է առ ըողոք ժո-
ղովրդեան . Երադ է 'ի փրկել զնո-
սա 'ի ձեռաց նեղչաց իւրեանց ,
և 'ի սանձել զձեռս հարստահա-
րողաց :

Վասն այնորիկ իբրև զհայր
իւրեանց սիրենն և մեծարեն զնա
ժողովուրդք . հոգաբարձու հա-
մարին զնա ամենայնի՝ յորս վա-
յելեն :

Յօժարակամ միամտութիւն
նոցա տարածանէ զսէր իւր յընդ-
հանուրս , և 'ի զգուշութիւն բա-
րեկենդանութեան ժողովրդեանն
խորհի զտիւ և զգիշեր :

Ոչ ոք բանայ զբերան իւր ընդ-

դէմնորա , և ոչ լոի ուստեք շը-
շունջ քրթմնջանաց . թշնամիքնո-
րա ոչ համարձակին նեղել զաշ-
խարհ նորա :

Միամիտք և նախանձաւորք Են
հպատակք նորա 'ի սպասու նո-
րին . իբրև զալարիսալ պղնձի պաշտ-
ովան կան նմա , և գունդք բռնա-
ւորաց հալածին յերեսաց նորա
իբրև զյարդ 'ի կալս առաջի հող-
մոյ :

Խաղաղութիւն աներկեան՝
բնակեցուցանէ զժողովուրդ իւր
յերանութեան . փառք և զօրու-
թիւն նորա պատին զաթուով
նորին մինչեւ յաւիաեան :

ՊՐԱԿ ՀԻՆԳԵԲՈՐԴ

ԸՆԿԵՐՈՒԹԵԱՆ ՊԱՐՏՅ

Ա.

ԲԱՐԵՍԻՐՈՒԹԻՒՆ

Յորժամ զմաւաւ ածիցես զըն-
տիր ընտիր ձիրս ընութեան քո,
կամ յորժամ խոկասցիս 'ի թե-
րութիւնս քո, մի՛ մոռանար զէ-
րախտիս այնորիկ որ մեծարեացն
զքեղ բանիւ մտաց, զարդարեաց
բարբառով բերանոյ, և հաստա-
տեաց զքեղ 'ի ժողովս մարդկան,
որպէս զի կարող լինիցիս ընդու-
նել և մատուցանել նողաստ և
երախտիս :

Ի ձեռն այլոց մատակարարին

քեզ կերակուր և հանդերձ, կահը կարեւորք, ուաշտպանութիւն 'ի զրկանաց և 'ի հարստահարութեանց, և ամենայն վայելք և զբօսանք և փափկութիւն կենաց քոց. և զայս ամենայն յընկերութեան մարգկան վայելէլ հնար է քեզ :

Քո խել շահ անձին սպարտաւոր առնէ զքեզ բարեկամ և օդնակական լինել մարգկան, որպէս զի և գու դացես չնորհս առ 'ի նոցանէ :

Որպէս վարդ 'ի ծոցոյ խւրմէ բուրէ զանուշահոտութիւն, այսպէս և սիրտ առն դժասիրի զքարիս :

Ինքն վայելէ յանդորրու խաղաղական մտօք, և խրախ լինի ընդ բարեբաստութիւն և ընդ յաջողուածս դրացեաց խրոց :

Դարձուցանէ զունին խր 'ի լսոյ բամբասանաց, և կարեկից լինի ընդ աղետս թերութեան մարգկան :

Սիրէ զքարերարութիւն, և պատճառս խնդրէ բարիս առնե-

լց . 'ի սփոփել զայլս , ինքնին միսի
թարի :

Վաւմական մտօք ցանկայ ե-
րանութեան ամենայն մարդոյ . և
յառատութենիշ սրտին՝ ամենե-
ցուն լինի ձեռնտու և օգնական :

Բ

ԱՐԴԱՐՈՒԹԻՒՆ

Յորժամ խաղաղասէր արդա-
րութիւն տիրէ 'ի ժողովս մարդ-
կան՝ հաստատի երջանկութիւն ,
և ամենայն ոք անկառկած վայելէ
'ի բարիս իւր :

Ճուժկալութեամբ 'ի չափու-
կալ զիղձս սրտի քո , և արդա-
րութեամբ առաջնորդեա կամաց
քոյ :

Մի չարակներ յինչո ընկերի
քո , և մի յանօթ ուրուք ձեռ-
նամուխ լինիցիս . այլ 'ի բաց արա-
զձեռն քո յամենայնէ որ ոչ իցէ
քո :

Մի անսար մի և միում իմլիք
բանսարկութեան , և մի տար
թոյլ խտովայոյզ խորհրդոց նե-
ղել զանձն քո , և ամբառնալ ըդ-
ձեռս քո 'ի վիտաս անձին քո :

Զընկերէն մի չարախօս լինի-
ցիս , և մի սուտ վկայեսցես զու-
մեքէ :

Մի կաշառաբեկ առներ զծա-
ռայ նորա , և մի սարտուցաներ 'ի
նմանէ . քաւ լիցի քեզ խոտորե-
ցուցանել զիին գրկաց նորա :

Մի դիցես վէրս անբժշկականս
'ի սիրտ նորա , և մի անիրաւեսցիս
'ի նա անիրաւութիւն՝ որում ոչ
իցէ փոխարէն հատուցանել :

Լեր անթերի արդարակ յոր-
ժամ դործ ինչ իցէ քո ընդ ընկե-
րին և դաշն ուխտի . և զոր կամիս
զի արասցեն քեզ այլք՝ տրա և
դու նոցա նոյնպէս :

Հաւատարիմ լեր յաւանդն ,
և մի խարդախեր որում վստահ
լինի 'ի քեզ . զիաեազի յաչս Տն
առ հասարակ մեղք են և դո-
զոնք և դաւանք :

Առ անանեկն մի զօշաքաղ լինիցիս և մի զմշակն զրկեսցես 'ի վարձուց :

Իտուրեւառս վաճառուց ունեկն մատո ձայնի գիտակցութեան քում. շատացիր փոքուն, և մի ադահեր՝ զտղիտութիւն գնողին նիւթ առեալ :

Հատո՛ զոր պարտիս. քանիզի 'ի պատիւ անձինդ յուսացեալ հաւատաց քեզ որ ետն. նուասառութիւն և անիրաւութիւն մէծ է չհատուցանել զարժանն :

Եւ վախճան բանիս, քննեա զսիրտ քո, ով որդի ընկերութե, զիշողականդ կալ քեզ 'ի նոպաստ. և եթէ պարտական յիմիք գացես զանձն քո, յամօթ լեր և տըրտմեաց, և փութա զարժան փոխարինին հատուցանել :

Գ

ՈՂՈՌՄԱԾՈՒԹԻՒՆ

Երանի որ արկ 'ի սիրա իւր
զսերմն գթասիրութեան . զսէր
և զողորմութիւն գտցէ նա :

Գետք բարութեան բղխեսցեն
յաղբերէ սրտի նորա , և յոր-
դեսցեն վտակը յօդուտ մարդ-
կան :

Զեռնտայ և միսիթար լինի նա
տառապելոց 'ի վիշտս նոյա , և
խնդայ յօժանդակել յաջողու-
թեան ամենայն մարդկան :

Ոչ դնէ մեղս դրացւոյն , արհա-
մարհէ զբաննախանձու և զատե-
լութեան . և զբսութիւն ոչ առ-
նու 'ի բերան :

Կերէ անիրաւութեանց և յան-
ցուածոց , և ջնջէ 'ի մտացն դա-
պախտիս մարդկան . վրէժք և
ոխութիւնք ոչ գտանեն տեղի 'ի
սիրաս նորա :

Չարի չար ոչ հատուցանել վրու-
խարէն, և զթշնամիս անգամ ոխե-
րիմս ոչ ատեայ. այլ անիրաւու-
թեանց նոցա յանդիմանութիւն
սիրոյ մատուցանել :

Մորմոքի ընդցաւս և ընդ աղէտս
մարդկան. գուն գործէ թեթեա-
ցուցանել ըզբեռն տառապանաց
նոցա, և վարձս վաստակոցն հա-
մարի զինդալն ընդ յաջողուածս
նոցին :

Ծիջուցանել զբորբոք տմեհի
ցաման. խաղաղարար լինի հա-
կառակողաց, և զանձինս զայ-
րացեալս ցածուցանել. զդէմ ու-
նի չարեաց նախանձու և ատելու-
թեան. գովէ և գործակից լինի
բարի բարի խորհրդոց դրացեաց
իւրոց : Վասն այնորիկ յիշատակ
անուան նորա գովութեամբ և
օրհնութեամբ :

Յ ուստի առաջ առաջ առաջ առաջ
մայն առաջ առաջ առաջ առաջ առաջ
առաջ առաջ առաջ առաջ առաջ առաջ առաջ

ԵՐԱԽՏԱԳԻՑՈՒԹԻՒՆ

Որպէս բարունակք ծառոյ զի
խաղացուցանեն զհիւթիենդանա-
րար յարմատն որ՝ ի վեր ամբար-
ձեալունի զնոսա . և որպէս գետ
զի վարեալ հոսէ զալիս իւր՝ ի ծով
յորմէ սկիզբն աղբերնորա . այս-
պէս երախտագիտին սիրտ զուար-
ձացեալ բերկրի՝ ի հատուցման
փոխարինի բարեացն զոր եղիս :

Խնդամիտ սրախւ շնորհապարա
զանձն գաւանէ . սիրով և սլա-
տուով հայի յայն որ արար նմա :

Եւ եթէ ձեռն իւր ոչ հասցէ
կշռել բարեացն փոխարէնս , բա-
րեսէր կամօք զյիշատակ նոցին
առնէ՝ ի սրտի , և ոչ մոռանայ յա-
մենայն՝ ի կեանս իւր :

Այր առատաձեռն նման է ամ-
պոց երկնից , որք աեղան յերկիր
զծաղեկ , զբանջար և զպտուղ .

սիրտ՝ ապաշնորհին անապատ է աւազուտ. ըմալէ անյագ զանձրեն երկնառաք, և ծածկեալ ընդ երկրաւ՝ պառող և ոչ մի բերէ:

Ընդ բարերարին քում մի նախանձիր, և մի կեղծաւորեր թադուցանել զնորհս նորա որ առքեղ. զի թէսլէտ լաւագոյն է տալն քան ընդունել, և բարերարութիւն զարմանս բերէ, այլ շնորհապարտ խոնարհամտութիւն զսայ զսիրտ, և հաճոյ է յաչս Աստուծոյ և մարդկան:

Մի ընդունիցիս շնորհս յամբարտաւանէն, և մի լիցիս շնորհապարտ անձնասիրի և ժլատի, զի մի սնոտի պարծանօք յամօթ արասցեն զքեղ: Ագահութեան տեհնչ ոչ յագենայ:

Ե

ԱՆԿԵՎԾՈՒԹԻՒՆ

Ո՛ որ զմայլեալդ ես գեղով
Ճշմարտութեան, և հաստատեալ
զսիրտ քո յանսպաճոյճ հրապոյ-
րըս նորա • լեռ նմա հաւատա-
րիմ և մի թողցես զնա • ժուժկա-
լութիւն քո յառաքինութիւնս՝
փառօք և պատուով պսակեացէ
զքեղ :

Բերան Ճշմարտախօս զսառւ-
դութիւն տնկէ ՚ի սրտի, երկեա-
նութիւն և բան նենդաւոր՝ ոչ
ելանեն ընդ շրթունս նորա :

Չառագնի ընդ ստութիւնս և
խոռովի ընդ դաւանս, այլ անքթիթ-
աջօք խօսի զՃշմարտութենէ :

Զգոյշ կայ պատուոյ և մեծու-
թեան անձին իւրոյ, այլ նուաս-
տութիւն համարի զկեղծաւո-
րելն :

Բանք իւր յամենայն ժամ զու-

գակիցք են խորհրդոց մտացն .
ոչ երբէք շփոթի և խռովի . յանձ
նասպաստան է 'ի ճշմարտու
թեան իւրում , և զանգիտէ 'ի
ստութենէ :

Ծանր է նմա զիջանել 'ի խար-
դախութիւն . ըստ խորհրդոց սըր-
տի իւրոյ խօսի բերան նորա :

Խորհրդով և զգուշութեամբ
բանայ զըրթունս իւր . միտ դնէ,
ճշմարտին , և խօսի կշեռ չափով :

Խորհրդակից լինի որպէս բարե-
կամ , կշտամբէ անվեհեր , և ոչ
անկանի բան մի 'ի խոստմանց
նորա :

Գրարան գաղաածածուկ սիրա
կեղծաւորի . կերտարանօք ճշմար-
տութեան պատրուակէ զբանս
սուտս , և ամենայն կեանիք նորա
խարդախութեամբ են :

Խնդայ 'ի վիշտս , և տրամի 'ի
զուարձութեան , և խօսի վայրա-
պար :

Գործէ 'ի խաւարի հանգոյն
խլոդան , և կարծէ զանձն զերծ 'ի
վտանգաց . այլ անձնամատն լինի

՚ի լոյս տուընջեան, և հոլանեալ
ծանակի տղմաշաղախ գլուխ նը :

Կեայ անձկութեամբ զամեց
նայն աւուրս իւր + անմիաբանք
են լեզու նորա և սիրա :

Զանուն արդարոյ հնարի ժա-
ռանգել, և մատչի առ նա իբրեւ
զմտերիմ, առ ՚ի նենգել ճար-
տարմտութեամբ :

Անմիտ, ջանք քո և վասաակը
առ ՚ի ծածկելոր ինչ եսդ՝ հասուս-
ցեն քեզ աշխատութիւն սնոտի,
և ոչ բնաւ որպէս կամեիրդ երեե-
ցուսցեն զքեզ. ծիծաղին զխորա-
մանկութեամբ քով որդիքն իմաս-
տութեան, յորժամ յանկասկած
ոլահու մերկասցի պատրուակ քո
և մատնցոյց լինիցիս ծանակեալ
և դարովեալ :

ՊՐԱԿ ՎԵՅԵՐՈՐԴ



ԱՍՏՈՒԱԾՊԱՇՏՈՒԹԻՒՆ

Մի է տէր Աստուած՝ սկիզբն
և արարիչ ամենայնի, տեսուչ աշ
խարհի, ամենազօր, մշտնջենաւոր
անբաւելի :

Արեգակնդ՝ որ շքեղափայլ
ոպայծառութեամբ դիմացն ըս-
սաւոր տռնէ զաշխարհս՝ ոչ է
Աստուած • տապով իւրով կեա-
նըս սլարդեէ բուսոց և տնկոց
երկրի • հայեաց՝ ի նա իւրեւ՝ ի
ստեղծուած ձեռին Աստուծոյ,
այլ մի պագանիցես նմա երկիր :

Միայնոյ Բարձրելոյն և ամե-
նագիտի և ամենաբարւոյ Աստու-

ծոյ վասելեն երկրապատմիւն և
պատիւ և փառք և դոհութիւն :

Որ տարածեալ ձգեաց ձե-
ռամբ զհաստատութիւն երկնից
և մատամբ իւրով դժեաց զճանա-
պարհս աստեղաց :

Որ դնէ սահմանս Ովկիանու ,
և ոչ անցցէ ընդ այն . և առ ծովս
մրրկայոյզս ալէտանջս ասէ , ան-
շարժս լերուք :

Որ դողացուցանէ զերկիր , և
սասանին յահէ նորա ազգք որդ-
ւոց մարդկան . ո արձակէ զփայ-
լատակունս իւր և ահաբեկ առ-
նէ զանզգամս :

Որ 'ի չգոյէ ած 'ի դոյ զաշխար-
հըսքանիւթերանոյ իւրոյ . որ հար-
կանէ զնոսա բազկաւ իւրով , և
բնաջինջ բնաբարձ լինին :

Երկիր պագ փառաց ամենա-
կալին , և մի՛ զարթուցաներ զցա-
սումն նորա , դուցէ կորնչիցիս
յերեսաց նորա :

Խնամք Տեառն ձգին 'ի վերայ
ամենայն ստեղծուածոց իւրոց .
ուղղէ և առաջնորդէ ամենայնի

անձառելի խմասառւթեամբն իւրով :

Նա ինքն օրէնս կարգեաց տես չութեան աշխարհի , և սքանչելալէս տնօրինեաց իւրաքանչիւր զկարդ իւր , և ամենայն բնուելք անսան կամաց նորա :

Ամենայն գիտութեան հասուենը նըրութեամբ մտաց իւրոց . և դաղտնիք հանդերձելոց մերկառարանոց կան առաջի նորա :

Ոչ թագչին յաշաց նորա ծածուկը սրտի քո . ճանաչէ ըլլկամս քո՝ մինչեւ քո խորհեցեալ ինչ իցէ :

Ոչ ինչ ոչ վսիպի 'ի նախագիտութենէն նորա , և չէ ինչ որ ըստ պատեհի գործիցի առաջի նորա :

Չարմանալի է յամենայն գործս իւր անքնին խորհրդովիք . և 'ի վեր է քան զմիտս զօրութիւն իմաստութեան նորա :

Վասն այնորիկ տուր փառս և պատիւ գերահրաշ հանձարոյ նորա , և աներկմիտ հնազանդութեամբ խոնարհեցո զանձն քո

ընդ առաջնորդութեամբ ձեռին
նորա :

Առատապարդեւ և մարդասէր
է Տէր . հաստատեաց զաշխարհ
սիրով և ողորմութեամբ :

Յայտնի են յամենայն 'ի գործո
նորա կամք նորա բարեսէրք .
աղբիւր է անհասութեան և լրու-
մբն կատարելութեան :

Գործք ձեռաց նորին պատմեն
զշնորհս նորա , գովեն և փառա-
ւորեն զնա 'ի վայելս իւրեանց .
նա զարդարէ դեղով զստեղծուա-
ծըս իւր , կազդուրէ սննդեամք ,
բերկրութեամբ դարման տանի և
զօրացուցանէ զնոսա , և պաշտ-
պանէ նոցին յազգէ մինչև յազգ :

Եթէ զաչս 'ի վեր ընդ երկինս
համբառնայցեմք , պայծառութե
փառաց նորա լինիմք նկատողք . և
եթէ 'ի խոնարհ յերկիր ակնար-
կիցեմք , ահա բարեօք նորա լր-
ցեալ են ծագք երկրի . բլուրք և
հովիտք ցնծութեամբ երդեն նմա-
երդս . գետք և անտառք և անդառ-
տանք զփառս նորա բարողեն :

Բայց զքեղ, ով մարդ, նախու-
սպատիւ նախամեծար արար Տէր,
և գեր 'ի վերոյ ամենայն արարա-
ծոց իւրոց կացոյց զպայման վե-
ճակի քո :

Զարդարեաց բանիւ զքեղ՝ առ
անկորուստ պահելոյ զիշխանա-
կան պերճութիւնոդ քո • խօսուն
յարդարեաց զքեղ, որպէս զի
ընկերութեամբ բարդաւաճ լի-
ցիս • խմացական զօրութեամբ
վերացոյց զմիաս քո, զի անձաւե-
լի շնորհաց իւրոց քննող և տեսող
կացցես :

Եւ զօրէնս զոր սահմանեաց
քեղ 'ի կանոն կենաց՝ բարեխնամ
կամօքն դիւրատարս արար բնա-
ւորական յօժորութեանց անձին
քում, որպէս զի և 'ի հաղատա-
կել անոդ քո՝ երջանկութեան ան-
ձինդ գտցես պատճառս :

Եւ արդ մի լուեր 'ի փառս
տալոյ շնորհաց և ողորմութեան
նորա, և մի դադարեր յերդոց
գոհութեան • խորհեաց լուու-
թեամբ 'ի սքանչելիս սիրոյ և գը-

Ըստ Ծեանց նորա . բղխեցէ սիրտ
քո բանս շնորհապարտ դոհու-
թեանց . սլատմեսցեն շրթունք . քո
զփառս և զպատիւ նորա . և ա-
մենայն գործք կենաց քոց յայտ-
նի արասցեն եթէ փափազես սի-
րով սլահել զպատուիրանս նո-
րա :

Բարի և արդար է Տէր , և դա-
տելոց է զաշխարհ ուղղութեամբ
և արդարութեամբ :

Քանզի որ հաստատեացն օրէնս
'ի բարութեան և 'ի գթութեան ,
վայելէ նմա և համարս սլահան-
ջել 'ի ստունդանոլացն :

Մի կարծիցէս յաւակնեալդ
յանդգնութեամբ , եթէ սլակա-
սեալ իցէ զօրութիւն բազկի
Տեառն՝ յերկայնամտել նորա 'ի
խնդրել զամբարշտութեանց քոց
զվրէժ . և մի խաբեր զանձն քո 'ի
յոյս մնոտի , որպէս թէ զանց
արասցէ զքե Տէր :

Քանզի աչք նորա քննեն ըզ-
սիրտս և զերիկամունս մարդկան ,
և ոչ է մոռացութիւն առ նմա .

և ոչ առնու ակն Տէր մեծութեան
հասակի և պատուոյ , և փառաց
և աւագութեան :

Այլ առ հասարակ անձն քա-
ջատոհմին և անտոհմի , մեծատան
և տնանկի , խմասանոյն և տգիտի ,
'ի թօթափել հոգւոյ ըղծանրա-
կիր շղթայս մահկանացու կենցա-
ղոյս ըստ ակնարկել կամաց Տե՛
ժառանդեսցէ վարձս արդարս և
մշտնջենաւորս , զիոնարէնս դոր-
ծոց իւրոց :

Եւ խովեսցին յայնժամ ժո-
ղովք ամսլարշտաց յահէ անտի
նորա : Այլ ոդի արդարոյն ինդու-
թեամբ մտանէ և ելանէ 'ի դա-
տաստանէ :

Վասն այնորիկ յերկիւղՏեառն
խոկասջիր զամենայն աւուրս կե-
նաց քոց , և 'ի ճանապարհաց նո-
րա մի հեռի առնիր . անտա ազ-
գմանց զգօնութեան , և ժուժկա-
լութեամբ 'ի չափու կալ զանձն
քո . արդարութիւ առաջնորդեսցէ
ձեռաց քոց , և գութք ջեւուս-
ցէն զսիրտ քո : Եւ դլուին ամե-

նայնի, խոնարհ անկածութեամբ
վառեա զհոգի քո առաջի Տեառն՝
ի դործս բարեպաշտութեան :

Սովիմբք զգուշացեալ գնաս-
ցես 'ի շաւիղս երջանկութեան 'ի
կեանս քո, և յետ աստեացս ժա-
մանեցես յանփոփոխելի կայս ա-
նանց և անտխրական երանու-
թեանցն յարքայութիւն Տեառն :

Ասդ եղիցի վախճան ճշմարիտ
անտեսութեան մարդկային կե-
նաց :

12
In the first place, we have to consider the question of the nature of the material which is to be used. This is a question which has been raised by many people, and it is a question which has been answered by many others. The answer is that the material which is to be used must be a substance which is capable of being converted into a form which is suitable for the purpose for which it is required. This is a question which has been raised by many people, and it is a question which has been answered by many others. The answer is that the material which is to be used must be a substance which is capable of being converted into a form which is suitable for the purpose for which it is required.

In the second place, we have to consider the question of the nature of the material which is to be used. This is a question which has been raised by many people, and it is a question which has been answered by many others. The answer is that the material which is to be used must be a substance which is capable of being converted into a form which is suitable for the purpose for which it is required. This is a question which has been raised by many people, and it is a question which has been answered by many others. The answer is that the material which is to be used must be a substance which is capable of being converted into a form which is suitable for the purpose for which it is required.

ՅԱՆԿ

ՊԱՏՃԵՆ ԹՂԹՈՅ ԱՆԳԴԻՑՑԻՈՅ	
ԹԱՐԳՄԱՆՉԻՆ	Ա.
ՆԱԽԵՐԴԱՆ	4
ՊՐԱԿ Ա. ՊԱՐՏՔ ՄԱՐԴՈՅ Ա.	
ՌԱՆՉԻՆ	
Ա. ԽԵՂԱՄՈՊԼԹԻՒՆ	5
Բ. ԶԱՓԻԱԼՈՐՈԼԹԻՒՆ	7
Գ. ԳՈՐԾԱՍԻՐՈԼԹԻՒՆ	9
Դ. ՆԱԽԱՆՃԱԼՈՐՈԼԹԻՒՆ	15
Ե. ԽՈՀԱԿԱՆՈԼԹԻՒՆ	16
Զ. ԱՐԽՈԼԹԻՒՆ	20
Է. ԲԱԼԱԿԱՆՈԼԹԻՒՆ	22
Ը. ԺՈՒԺԻՎՈԼԹԻՒՆ	25
ՊՐԱԿ Բ. ԿԻՐՔ	
Ա. ՅՈՅԱ և ԵՐԻՒԵՂ	32
Բ. ՈւրախոլԹԻՒՆ և տղըտ-	
մոլԹԻՒՆ	34
Գ. ԲԱՐԻԿՈԼԹԻՒՆ	38
Դ. ԳԼՈՒԼԹԻՒՆ	42
Ե. ՍԵՐ և ցանկոլԹԻՒՆ	44

ՊՐԱԿ Գ. ԿԱՐԵՒՈՐ ԱԶԳԱԿԱՆՔ

Ա. Կին	46
Բ. Կանամբի	51
Գ. Հայր	54
Դ. Որդի	56
Ե. Եղբայր	58
ՊՐԱԿ Դ. ՊԱՅՄԱՆՔ ԿԵՆԱՅ	
Ա. Խմաստուն և տգետ	60
Բ. Մեծատուն և տնանկ	63
Գ. Տէր և ծառայ	67
Դ. Իշխանիք և իշխեցեալք	69
ՊՐԱԿ Ե. ԸՆԿԵՐՈՒԹԵԱՆ ՊԱՐՏՔ	
Ա. Բարեսիրութիւն	74
Բ. Արդարութիւն	76
Գ. Ողորմածութիւն	79
Դ. Երախտագիտութիւն	81
Ե. Անկեղծութիւն	83
ՊՐԱԿ Զ. ԱՍՏՈՒՄԵՊԱՇՏՈՒԹԻՒՆ	87



00250369

2001

2013

«Ազգային գրադարան»



NL0015369

